

乾隆杭州府志

杭州府志卷三十二

寺觀

五

富陽

餘杭

臨安

於潛

新城

昌化

富陽縣

永寧寺

在縣西百五十步梁大同初建名國榮宋大中

祥符間改今額明初重建

舊志

楊維禎詩禹陵雲氣近松翠護禪關只有客常到不知僧最閒春風浙江水夜雨富春山愛此清居趣長時日暮還

妙智寺

在永安山之陽唐太和元年建舊名驪峰錢武

肅王時改名永安宋大中祥符改今額宣和間燬建炎四

年新之

萬歷舊志

明洪武間立成叢林崇正時重加修葺

富陽縣志

李韜妙智寺詩永安高萬丈芒屨上崔嵬雲鎖招提影苔封般若臺殊經荒古塔幽鉢卧龍胎半刻逢僧話胡麻躡

接來 李玉昂妙智寺詩遠上驪峯錦繡重層層樓閣梵
仙宮手捫星斗知天近足躡雲霄有路通苔石雨深人跡
少松林烟淡鶴巢空興來不
覺歸途晚踏碎斜陽半嶺紅

慈修護聖禪寺 在縣治西近江潮汐可觀往來者多遊

息焉

嘉靖浙
江通志

唐大中間建名保寧元至順間改今額元末

燬明洪武元年重建

武林
梵志

二十四年立成叢林永樂十三

年重建佛殿法堂華嚴閣崇正時復募建佛殿佛像一新

富陽

縣志

陳觀重修慈修護聖禪寺記略慈修護聖禪寺始自唐宣
宗大中間有道林和尚邑人也卽烏窠禪師真白居易善
者道化于此遂名保寧寺歷宋至元寺廢後大德間復有
僧行修亦邑人也果成道行亦道化于此元末燬于兵止
存觀音像明洪武間僧祖權見之不忍去乃卓錫于此而
寺遂復興辛未以其寺爲叢林僧大方募緣重建由是興

輪新美囊棟翠飛規模偉麗矣蓋經始于永樂十有二年正月告備于丁酉歲之二月數旦也蘇軾慈修護聖寺詩長松吟風晚雨細東菴半掩西菴閉山行盡日不逢人裏裏野梅香入袂居僧怪我戀清景自限山深出無計我雖愛山亦自笑幽獨神傷復難繼不如西湖飲美酒紅杏碧桃香覆髻作詩寄謝採薇翁本不避人那避世

永樂吉祥寺

在小隱山上

名勝志

唐大中年間烏窠禪師

建明洪武二十四年并入偃松寺復燬萬歷四十七年僧融通出家捨宅爲寺復舊名曰吉祥明末燬

國朝順治初僧圓濟重建

富陽縣志

吳萊吉祥寺詩一昔逢寒食行吟採物華風生敲檻竹雨濕陸船花曲塢青龍樹長灘白鷺沙回看江上水直去到

家君

龍景寺

在縣東十八里唐大中間建元燬明重建

舊志

法相寺 在麗景村舊名報恩唐咸通十二年建宋大中

祥符間賜額明洪武間立成叢林內有玉泉含潤軒富春

三十六寺此爲最勝永樂十四年燬宣德八年重建

浙江通志

葉士彥法相寺虛舟亭詩道人亭子號虛舟身與乾坤日夜浮高檻倚空山疊浪小池承溜雨生漚漁歌響答穿蓬戶晚飯經行憶航樓茶竈筆床安榻畔江湖共任散人遊

法門寺 在望仙村古名空惠唐咸通時易名淨土宋大

中祥符間復今額元末燬明初重建後併入能仁寺隆慶

二年南宗禪師復整殿宇

富陽縣志下同

西巖寺 在白昇村唐乾寧元年建洞中有十六羅漢外

有石掩覆世傳葛仙翁煉丹于此又靈應池與潮汐應候

石鼓扣之則鳴明洪武間併入慈修寺今復舊

盧綸西巖寺詩林香雨氣新山寺綠無塵遂結雲外侶共
遊天上春鶴鳴仙闕迥僧話竹房隣待月水流急惜花風
起頻何方非外境此地有歸人迴首空門外皓然一幻身
楊維禎西巖寺詩何代仙人跨鶴歸至今丹竈倚柴扉
黃金布地開華藏白石撐空障翠微海內甲兵民厭久
山中車馬客來稀僧窓轉午渾無事晴雪風塵木葉飛

普照寺

唐時建今歸併慈修護聖禪寺

舊志

李白普照寺詩天台因清寺天下爲四絕今來普照遊行
來復何別拚木自雲飛高僧頂殘雪門前一條水幾回流
歲月蘇軾獨遊富陽普照寺詩富陽真古邑此事亦唐
餘鶴老依喬木龍歸護賜書連筒春水遠出谷曉鐘疎欲
繼江湖韻何人爲起予

按縣志蘇詩誤作淨明院今從東坡集更正

華蓋仙山寺

在縣東北十二里晉天福間建寺舊爲民

侵佔獨伽藍殿數百人昇之莫能動萬歷中重建

舊志

淨居寺

在大源村晉天福八年建名淨福宋治平二年

改今額宋末燬元至順間重建明洪武間立成叢林

成化舊志

大雄寺

在縣西南五十里

舊志

後唐長興三年吳越丞相

許明捨宅爲寺名曰許明寺

十國春秋

宋治平二年改今額元

末燬明洪武初重建立成叢林崇正十三年僧如奎重建

國朝順治十六年僧涓然復興

富陽縣志

能仁寺

在太平村唐天成間建名雲霄院宋咸淳間請

今額元至正燬明洪武初重建

武林楚志

二十四年立成叢林

國朝順治五年重建

浙江通志

真寂寺 在靈峰村宋紹興六年建元末燬明洪武初重

建成化舊志二十四年立叢林正統四年重修崇正七年傾圮

國朝康熙五年僧正輝重建富陽縣志

俞膺遊真寂寺詩平地湧招提諸峰白剋護石壁聽泉流溪橋見僧度松檜千年姿不受冰雪妬花卉四時春疑有神靈助景物良可嘉徘徊屢志募賢哉支許倚因之重懷慕

偃松寺 在馴雉村宋嘉泰四年建前有大松盤護因名

元末燬惟殿宇及法堂存武林梵志明洪武間重建立成叢林

國朝順治六年僧普潤重立大殿兼塑諸佛相富陽縣志

陸士真偃松寺詩尋幽步入碧雲隈喜見維新佛宇開古殿嵯峨洪武葺奇松偃蹇紹興栽黃蛇捕蛤岩頭出白鶴營巢塔頂來此處與師重有約談詩同上螿龍臺

寶相寺 在慶護村明洪武初建菴名浦西十三年請移

寶相舊額崇正間重建

萬歷舊志

李玉昂寶相寺詩錫杖山如畫吟看興轉清苔花枯展齒
石子亂溪聲鉢洗魚吞飯鐘沉鶴報更何時謝塵俗于此

學躬耕

妙庭觀 在臨湖村初名明真宋治平二年賜額世傳董

雙成故宅觀久廢

萬歷舊志

蘇軾妙庭觀詩人去山中鶴不歸丹亡鼎在世徒悲可憐
九轉功成後却把飛仙乞肉芝琉璃擊碎走金丹無復神
光照舊壇時有世人來舐鼎欲隨雞犬事劉安 楊簡妙
庭觀詩古人所棄今人慕不謂蘇公亦世情此話若教天
上聽定須笑倒董雙成 王十朋妙庭觀詩小小琳宮氣
象新雲駢遐想董雙成靈丹煉就覆金鼎仙鶴飛來闖玉
笙兩絕老坡陰處境千秋太白曲中名塵埃奔走東歸客
寄卧一菴聽雨聲 范成大妙庭觀詩昇降三田自有丹

長隨盤鼎嘶仙壇扣門倦客

唯思睡容膝巷中一枕安

崇元觀

在春明村宋淳祐間遷于紫薇山

成化舊志

無礙菴

在貴樂村宋慶元間建久廢明天啟間重建

陽

縣志下
並同

洋田蓮花菴 在靈峰村元大德五年建

崇福菴 在太平村元至正間建明初併能仁寺泉石奇

秀選勝者多往焉

悟空菴 在春明村舊名松谷院後改今額崇正中重建

靈巖寶山院 在惠愛村山高八十丈南山靈悟大師誦

經行雨之地唐元和間建舊名寶照宋大中祥符間改額

有龍在山祠以仁惠爲額歲旱禱之輒應

萬歷舊志

姜文謂靈巖院詩軒在靈巖第幾峯負營遠屋翠重重僧窓滴露全疑雨詩榻生涼半是風四座綠陰侵戶暗一簾爽氣撲衣濃信知石上蒼苔合多爲遊人去後封

吉祥院 在安辰二圖舊名通化唐咸通六年勅建嘉定初重修天啟時寺圯

國朝康熙三年重修

富陽縣志下並同

淨明院 在安辰村隋時名普照晉天福七年重建宋治平二年賜額山坳有龍潭時爲民患朔塔九層鎮之潭遂涸塔前有御書閣宣和間燬嘉定十三年重建元至正間其地爲營明洪武初修復明末兵燬

國朝順治九年重建殿宇

蘇轍淨明院詩塵埃日已遠抖搜更無餘寺到蓬門入詩
成信手書山深僧自樂路遠客終疎訪盡前朝景他年一
告
于

淨覺院 在縣西宋建隆元年建初名淨福治平二年改
今額俗稱小寺明初併入慈修寺正統間修復萬歷間燬
于兵重建明末廢

國朝康熙元年重修

慈雲院 在開化村宋乾德二年建舊名白龍山法雲院
又名白龍寺治平二年改今額明洪武中歸併永寧寺正
統景泰間興建隆慶間建後殿未幾傾圮萬歷間重建

長福羅漢院 在臨湖村宋乾德間建明崇正十七年燬

國朝順治八年重建

淨因院 在春明村舊名雲峯宋太平興國二年建治平

二年賜額明末燬

國朝康熙初年重修

蘇軾淨因院竹軒詩軒前有竹百餘竿節節渾如玳瑁斑
兩過風清蕩般若琅玕聲撼半窓寒 楊維禎淨因院竹
軒詩香岩一擊忘所知我無所知安可擊獨愛軒中堪避
暑萬竿瘦玉捧寒碧切莫伐作仙人杖亦莫剪作漁子笛
淮擬重來倚小窓
細聽龍陰風雨急

寶林院 在儀鳳村宋大中祥符四年大德禪師建舊名

雙林治平二年改今額院有香岩閣可賦軒明洪武中併

能仁寺已而復舊

國朝順治十八年重修

范成大寶林院可賦軒詩十里江聲雜市聲道傍無處濯塵纓寶林寺裏逢修竹方有詩情約畧生

紫霄宮 在大源村宋紹興初女冠孫千霞建千霞早悟

道徽廟引見賜名年七十七而化

萬歷舊志

崇親思孝宮 在縣南三十五里初于大源山建崇壽殿

宋紹興二年有旨崇奉本命嘉泰元年勅改

咸淳志

餘杭縣

天祿寺 在縣西北九十里晉永康間建元末燬明初重

建

舊志

靜林禪寺 在縣東文山界蕭梁時剏久廢人呼其地爲
寺塢林木森隘人跡罕至陰雨時或聞鐘鼓聲宋時有僧
利欽築菴塢中開拓基址得大石龜二斷碑一截文磨滅
不可辨止存篆文靜林寺記四字又得古井六口及堦砌

隱約尚存於是寺復興紹興四年重建元燬明初重建

萬歷

舊志

龍門寺 在閑林東扇唐初建貞觀十三年重新舊名悟

空寺山有龍潭旱禱輒應

餘杭縣志

光孝寺 在閑林東扇一圖

武林梵志

唐蔣山太平興國禪師

建太宗勅額明正德初無盡和尚禱雨龍門山顯白蛇于

鉢內而大雨寺復興

舊志

徑山興聖萬壽禪寺 在縣西北五十里乃天目之東北

峰唐代宗時僧法欽結菴于此永泰中有白衣士來求度
爲沙彌欽卽剃度名崇惠後如長安與方士競法旣勝代
宗問其師承曰臣師徑山僧法欽召赴闕賜號國一禪師
逾年辭歸詔杭州卽其菴建寺曰徑山乾符六年改爲乾
符鎮國院宋大中祥符六年改賜承天禪院政和七年改
徑山能仁禪寺開禧間孝宗御書額賜徑山興聖萬壽禪
寺由宋迄元爲禪林之冠元末兵燬明洪武間重建

徑山志

國朝康熙十一年燬二十四年重建

餘杭縣志

吳泳典聖萬壽禪院記略自東天目熊騰馬奔凌深拔峭
發越而爲梵釋之宮者徑山也國一禪師卓錫于此與廢
逮今蓋四百餘年矣先是慶元己未冬龍王殿災精廬佛
宇一夕而燼僧元聰治故而復新之後三十五年夏再燬
無準範師以精進心轉不退輪以勇健力搥無畏鼓度材
于山視昔所植可以爲椽爲梁爲杗爲桷者適飽厥用則
鳩工聚糧命幹力之僧相其役一念纓起諸天響合上方
頌資甚渥公卿士大夫樂施捨南國之好善者不祈而助
貨不命而助力三年告成殿堂樓觀靡不畢具 范成大
題徑山寺樓詩落日蒼茫水捫星縹緲樓神光來燭夜齋
木不知秋海內五峰秀天涯雙徑遊愛山吾欲住衰病嬾
乘流 方九敘詩雲裏五峯環紫翠空中一徑轉微茫黃
花漸報重陽節白社遙尋古道場精舍更宜留謝客元
都何必訝劉郎高僧趺化千秋寺獨有靈雞塚樹蒼

石孟山寺

在洞霄南麓石峰如孟故名寺建于唐遜與

遜廢明萬歷間有僧芥菴病中夢天人示以孟鉢病愈至
山見名與夢符遂誅茅而居

國朝康熙壬寅年創建大殿并大悲閣一笠亭

餘杭縣新志

法喜寺

在縣東半里舊名吉祥院

名勝志

唐光化二年僧

清辯開山宋大中祥符八年改今額紹興五年徙學于此以舊學基爲院元至正末燬明洪武元年重建二十四年併永安寺嘉靖三十年以堪輿說復舊基還今址爲法喜寺萬歷間圯知縣戴日強以此寺爲習儀祝聖之所重建

殿宇一新

浙江通志

王安石法喜寺詩門前百道自縈迴門外青莎間綠苔禿樹繞花鶯引去壞簷無暮燕歸來寂寥誰共尊前酒半落空留案上杯我憶故鄉歸未得可憐啼鴉重相催

慈聖寺

在常熟鄉名靈嶽肇于唐至天成元年復建宋

治平二年改今額元至正末燬明洪武年間重建

成化舊志

顯聖寺 在縣東南二里舊名白塔院宋開寶四年建治

平二年改今額

咸淳志

明洪武二年重建二十四年併永安

寺萬歷三十年僧立齋重建

餘杭縣志

范仲淹過餘杭白塔寺詩登臨溪上寺遷客獨依依遠水欲無際孤舟曾未歸亂峯藏好處幽鷺得閒飛多少天真

趣遙心

結翠微

南山普寧禪寺 在常熟鄉宋白雲通教大師創菴以居

紹興間改菴爲院曰傳燈又改普安淳熙七年改今額元

末燬明洪武三年重建

萬歷舊志

化城接待寺 在徑山宋嘉定間徑山住持可宣建八年

欽奉御書特賜佛日禪師并書化城二大字賜充接待院

元初重建至正末兵燬明洪武年重建

徑山志

徐渭化城寺詩方引主人慧轉爲山寺嬉門深當水盡路曲入松移破鐸搖簷鶴寒萍蔽沼龜過溪無虎嘯在送遠師禪

永安寺 在縣東南二里元至元元年建至正二十四年

燬明洪武元年重建

武林志

二十四年立成叢林

餘杭縣志下並同

洞晨觀 在安樂山宋景定間羽士貝大欽建

元陽觀 在大滌山後宋咸淳間羽士吳處仁建

天瑞巷 在徑山直嶺下今爲松源庄伏虎禪師建塔于

此

徑山志下同

妙喜菴 在徑山舊爲明月堂大慧圓寂于此孝宗聞而
嗟歎乃詔以舊明月堂爲妙喜菴

圓修菴 在安樂鄉元至元間僧同菴開山大德四年中

峰和尚重建至正燬明洪武三年重建

餘杭縣志

傳衣菴 在葛蒲田昔名玉芝菴舊有癡絕禪師塔今爲

萬松月亭二法師塔

徑山志
下並同

寂照菴 在徑山寺北五峰之背菴有端禪師全身塔其
爪髮復分葬于化城之幻有室萬歷甲午重整

喝石菴 在徑山卽開山菴祖師修道處

勝福菴 在閩林鎮明正德間建

餘杭縣新
志下並同

石雲菴 在稽留山俗名雞籠山僧澈澄構奇石林立若雲片然故名

萬崑菴 在荆山棠塢爲一邑幽棲之勝僧瓊岩結茅于此經始落成竟成寶樹珠林矣

澄清菴 在南湖十字塘

國朝康熙二十三年知縣龔嶸開溶南湖于十字中分處建菴
雲源院 在安樂鄉舊名龍泉唐咸通七年僧善本朔宋
治平二年改今名元末燬明洪武二年重建

萬歷舊志

雲福禪院 在常熟鄉宋紹興間僧善智朔元末燬明洪

武間重建

徑山志

中峰南院 在鵬搏峰下大寂岩無上宗塔在焉明徐六

鶴書獅子窩三字鐫于石院已廢

餘杭縣志

洞霄宮 在縣南十八里漢元封三年建宮壇于大滌洞

前唐宏道元年本山潘先生奉勅面南建天柱觀中宗朝

賜觀庄一所後有朱法師改北向乾寧二年錢武肅王與

閻邱先生相度山勢復改南向宋大中祥符五年因陳堯

佐奏改洞霄宮賜仁和縣田一十五頃并賜鐘磬法具等

政和二年都監何士昭陳乞賜度牒三百道後廢紹興二

十五年重建淳祐七年靈濟通真先生孫處道奏請賜錢

益市恒產規制愈崇南渡後凡宰執大臣丐閒去位者以

提舉洞霄宮繫銜咸淳甲戌冬延燎一空

天大濼洞

元至元

丙子重建未完復燬甲申再新宮宇規模視昔愈壯

洞霄宮志

元至正間兵燬明洪武初重建歷二十餘年而後修垣鉅

殿門廡室廬庖庠壇壝皆次第周完無改舊觀矣

餘杭縣志

國朝康熙元年羽士孫道元棲真于此自是壇宇宮亭又可上

延霄客下接元流矣

餘杭縣志

錢鏐天柱觀記天柱觀者因山爲名按傳記所載皆云天有八柱其三在中國一在舒州二在壽陽洎今在餘杭者皆是也又按道經云天地之內有十八洞天三十六小洞天如國家之藩府郡縣遞相稟屬其洞天之內自有日月分精金堂玉室仙官主領考校災祥今天柱山卽真誥所謂大濼洞天者也內有隧道暗通華陽林屋皆乘風馭景倏往忽來真跡杳冥非世俗所測而况大江之南地兼吳越其峯巒西接兩天眼之龍源次連石鏡之嵐岫東枕浙

江之沼派可謂水清山秀兼通大海及諸國往還此外又有東天目西天目及天竺之號得非抗蒼溟于穹昊發絕壁于雲霄立天爲名以標奇特耳若乃登高遠望則千巖萬壑金碧堆疊龍盤虎踞靈粹茲孕代生異人非山秀地靈之所鍾發其孰能與于此乎就中天柱風清氣和土腴泉潔神蛇不螫猛獸能馴自漢武帝酷好神仙標顯靈蹟乃于洞口建立宮壑歷代祈禳悉在此處東晉有郭文舉先生得飛化之道隱居此山羣虎來柔史籍俱載乃于蝸廬之次手植三松虬偃鳳翔蒼翠千載今殿前者是也洎大帝握圖御宇授錄探符則有潘先生宏演真源搜訪神境宏道元年奉勅創置天柱觀焉仍以四維之中壁封千步禁彼採樵爲長生之林中宗皇帝玉葉繼昌元關愈闕特賜觀庄一所以給香燈于是臺殿似匪人工廊廟皆疑化出星壇月砌具體而徵則又披褐幽人據梧高士挹澄泉之味息青蘿之陰葉天師法善朱法師君緒吳天師筠暨天師齊物司馬天師承禎夏侯天師子雲皆繼踵雲間棲神物表骨騰金鎖名冠瑤編出爲帝王之師歸作神仙之侶金錯標宇翠珉流芳昭晰具存不俟詳錄其餘三泉合派雙石開扉葯圃新池古壇書閣各有題品足爲耿光

鑿此際幸蒙聖朝疊安藩閩締閩之封略統勾踐之山河寵極蕭曹榮兼渾郭緬懷斯地實邇維桑素仰真風備詳前事但以此觀荆置之始本對南方後有朱法師相度地形故爲北向雖依山勢偏對洞門其洞首陰背陽作道宮而不可致左右岡壠與地勢以相違背背洞門而不順使上下清泉流却侵乎白虎以致觀中寥落難住賢能皆爲尊殿背水激衝之所致也乾寧二年鑿因歷覽山源周遊洞府思報列聖九重之至德兼立三軍百姓之福庭于是齋醮之餘徧尋地理觀其尊殿基勢全無起發之由致道流困窮二時而不辨香燈竟歲而全無齋醮抗表上闕創置殿堂兼移基址一二年內法主兩雷渥恩道侶益繁常作成備青牛白鹿堪眠琪樹之陰絳節霓旌不絕星增之上得非因依山勢而再振元風者哉合刊貞石用證後賢時光化三年七月十五日記林逋洞霄宮詩大滌山前問華陽路暗通風霜唐碣久草木漢祠空劍石苔花碧丹池水氣紅幽人天柱側茅屋灑秋風蘇軾洞霄宮詩上帝高居愍世頑故留瓊館在凡間青山九鎮不易到作者七人相對閒庭下流泉翠鮫舞洞中飛鼠白鴉翻長松怪石宜霜鬢不用金丹苦駐顏 薩都刺遊洞霄宮詩九鎖山前面面峯層巒矗立碧霄中烟雲萬壑時含雨溪澗

雙流自吼風白鹿下迎何處是丹砂藏地可
分空遺踪千載誰尋覓徒說華陽路暗通

臨安縣

東天目山昭明禪寺

在縣西四十五里

成化舊志

梁昭明太

子修禪處大同間創建名昭明院僧寶誌飛錫居之

東天目山

記

元末燬明洪武二十年重建

嘉靖臨安縣志

寺燬已久臨安黃

令倡緣新之左誌公堂右方丈禪堂寺舊有閣閣中銅佛

千尊現金色相傳是宋元時物寺災而閣無損特著靈異

國朝康熙三十七年僧獨起重修六十年重建大殿雍正十一

年

勅賜

御書普照大千額

東天目志

馮夢禎東天目昭明禪寺詩羣峯行不盡天半識禪扉古
木陰垂地高雲冷拂衣山僧能款客鉢飯亦忘饑帝子遺
經在淹留戀夕暉計翎昭明寺詩予本幽棲人偶至招
提徑叩門風淒淒俗慮冷然醒刻竹驚棲鳥披襟攬危磴
天空淡無雲日落烟初暝遠公托欣賞
孤琴發清聽共語覓無生燈燈了相證

海會寺

在縣西二里梁大同間賜額竹林寺會昌間燬

大中五年重建宋改今額元末燬明初重建

舊志

淨土禪寺

在縣南二里

嘉靖浙江通志

吳越天寶四年武肅王

捨安國縣宅基爲寺請額于梁曰光孝明寺

十國春秋

宋大中

祥符元年改今額

咸淳志

元末燬明洪武十五年重建

萬曆舊志

蘇軾宿臨安淨土禪寺詩雞鳴發餘杭到寺已亭午參禪
固未暇飽食良先務平生睡不足急掃清風宇閉門羣動

息香篆起烟縷覺來烹石泉紫筍發輕乳晚涼沐浴罷衰
髮稀可數浩歌出門去暮色入村塢微月半隱山圓荷爭
瀉露相攜石橋上夜與故人語明朝入山房石鏡炯當
路昔照熊虎姿今爲猿鳥顧廢興何足弔萬世一仰俯

開化寺

在縣南一里

咸淳志

卽功臣寺梁乾化間吳越王

捨功臣堂建普光大師講七寶陀羅尼經感天雨花因號
雨花堂宋大中祥符改額吳越王婆留井鎖井千人溝大

紫石板橋古桂猶存明令黃鼎象有功臣寺額

萬歷臨山安縣志

顛有功臣塔

臨安縣志

蘇軾自乎土步至功臣寺詩落日岸葛巾晚風吹羽扇松
間野步穩竹外飛橋轉神功整橫嶺岩石得巨片直度千
人溝下有微流注罔鬱蔚回合金碧爛明絢面懷異姓王
負擔此鄉縣長逢跨下辱屢乞桑間飯誰謂山石頑識此
希世彥凜然英氣逼屹起猶聳戰他年萬騎歸父老恣歡
宴錦繡被原野金珠散貧賤責融旣入朝吳芮空記而榮

華坐銷歇閱世如郵傳惟
有長明燈依然照金殿

妙嚴寺 在谷昌鄉晉天福間賜額寶慶錢武肅王建朱

治平間改今額

國朝僧德先修葺

臨安縣志下同

普慶寺 在大雲鄉宋延祐間賜額明初僧道衍重建寺

有凝翠堂

駱從宇普慶寺詩問水尋山路欲迷白雲引我
入招提紅塵不到跡跌處碧樹春風鳥自啼

黑驢菴 在千佛閣轉東嶺下宋乾道中僧希都建養一

黑驢甚馴出入與俱僧病驢募緣供之忽爲虎噬僧檄召
虎羣至噬驢者伏罪僧叱曰死者已矣貸汝後犯至今卽

有虎患是山獨無

天目山志

李應徵詩誰言山徑險下有平溪路深林無猛虎莫自出山去

白鹿巷

在大滌山

大滌洞天記

道宗法師築有般若臺

白鹿巷碑

化城院

在縣東北一里唐武德二年賜額羅漢院在縣

城內五代唐同光二年遷于縣東北以鍾尚書府地建立

宋治平二年改今額元末燬明洪武六年重建二十四年

立成叢林萬歷三十八年建藏經閣

浙江通志

興教院

在靈奉鄉唐天寶中賜額興善會昌五年廢天

祐元年吳越王重建宋治平二年改賜今額元末燬明洪

武元年重建

萬曆舊志

太平萬壽禪院

在靈鳳鄉唐天寶三年欽禪師卓錫于

此天祐元年吳越王建賜額小徑山太平禪院宋天聖間

改今額崇寧元年重建元至正間燬明洪武間重建

武林苑志

萬歷間澹居上人光復本寺久仍圯

國朝順治間僧超東重建

臨安縣志

淨應院

在縣西三十里晉天福間賜額應祈宋治平初

改今額

舊志

福勝院

在高陸鄉宋乾德四年建賜額福全治平二年

改今額元至正間燬明洪武元年重建

國朝順治間僧行仁重建

武林梵志

雙林院

在縣西北十五里舊名寶林

咸淳志

唐天成元年

徑山僧景文望南山有瑞氣遂結廬于山巔

名勝志

大理評

事俞壽捨宅爲寺

成化舊志

宋治平間賜額明洪武間重建

國朝順治初僧海懷卓錫于此聿新梵刹視景文肇創時殆爲

過之

浙江通志

紫陽宮

在辰隆鄉東天目山梁大同二年建名太清宮

後改天清宮宋宣和六年賜今額相傳張紫陽修煉于此

丹井丹竈尚存

臨安縣志

於潛縣

勅賜禪源寺

在西峯半山下獅子岩之右

西天志

舊名獅子正宗

禪寺

舊志

元至元十六年建延祐七年賜額後燬明洪武九

年重建二十四年成叢林嘉靖十四年重建大雄寶殿

國朝康熙四年大覺普濟能仁國師玉琳入山重興鼎建復燬

雍正十一年奉

勅重建

賜名禪源寺

御書扁額進內爲天王殿爲韋馱殿東爲上客堂西爲雲水堂中

爲大雄寶殿東爲藥師殿西爲內客堂正殿爲法堂爲

御書樓東爲方丈爲祖堂爲大悲閣爲地藏殿爲觀音殿南爲藏

經樓大智樓禪室西爲西方丈爲紫堂爲印寮爲延壽堂

後爲大覺國師塔

浙江通志

趙孟頫勅建獅子正宗禪寺碑記天目距武林西北百餘里兩峯萃嶽雄蟠天表浙右名山咸走其下至元己卯春高峯原妙禪師直造獅巖倚松結茅晝夜危坐明年搗石壘基以廣其廬里人直廬洪喬祖申弟子禮且輸財力爲斧斤倡又明年聞風來集戶屢漸盈癸未直翁首施嘉禾田二頃近郊腴土五十畝有奇乙酉圓通殿成及丁亥僧堂庫院明樓庖福指顧如意辛卯運使臣翟憲發施大田不納買山田二頃以資日用元貞乙未師知時至囑院事以甲乙相承事定入滅越十七載至大辛亥棟宇以嵐蒸霧仙德懷將歷上首弟子了義化緣首建僧堂明年恢拓宣明室越二年延祐甲寅更新庫院行堂大室又二年丁巳撤圓通殿爲閣上崇聖像下敞法堂佛閣方丈盡餘力而併新之鑄鱗玉礎井非丹楹光侔日星勢壓雲漢後三藏法師侍天子燕閒以高峯道行及獅子正宗禪寺道場上周天子嘉嘆加增師號佛日普明廣濟禪師傳旨諭臣爲文記之謹序其事 蔣梁獅子禪寺詩乘開來古刹筠

樹拂清芬界靜塵無蹟龍歸鉢有雲瓊花空
外落天籟寂中聞安得長吟在扣期駐夕曛

按天目山東屬臨安西屬於潛舊志以正宗寺歸臨安
者誤

常樂寺 在縣南五十里舊名樂平晉義興二年建宋治

平二年改今額

於潛縣志

治平寺 在縣十里唐會昌中建舊名天目宋治平二年

改今額元末兵燹此獨存

嘉靖於潛縣志

寂照教寺 在豐谷鄉舊名吳興唐大中五年改今額

武林

梵志明初重建後燬

國朝康熙十五年僧會道玉募助重建

浙江通志

明智寺 在西菩山唐天祐中建名西菩宋改今額建炎

中僧雙峯重修

浙江通志

秦湛西菩寺記於潛之西菩有光屬天見菩薩像僧道志廬其下聚邑人之錢而貌佛焉號西菩寺唐天祐中也本朝改明智土頌木壞風雨入室辨才門人雙峯與邑之富有力者相率施所有寺爲之一新蘇軾與毛令方尉游百善提寺二首推擠不去已三年魚烏依然笑我頑人未放歸江北路天教看盡浙西山尚書清節衣冠後處士風流水石間一笑相逢那易得數詩狂語不須剛路轉山腰足未移水清石瘦便能奇白雲自占東西嶺明月誰分上下池黑黍黃粱初熟後朱柑綠橘半甜時人生此樂須天賦莫遣兒郎取次知

淨巖寺 在縣北舊名寶城晉天福間建宋時改額今廢

於潛縣志

資聖寺 在南天目山舊名資福唐光化間建宋改今額

後廢

國朝康熙丁未年重建

浙江通志

大覺正宗禪寺

在蓮花峯自麓登山約十有五里松檜

森羅仰不見日元至元壬辰賜今額元末燬復建

成化舊志

塑春觀

在縣西桃源山卽許遊觀

舊志

以許邁所遊之地

故名許遊宋紹興間道士劉冲素重建

成化舊志

真慶觀

在元雷山去縣二里

於潛縣志下並同

瑞光菴

在縣東南陽山明令繆九鳳獲銅佛因築菴置

田祀之

廻龍菴

在長安前鄉

國朝康熙六年建

凌雲菴 在平越山頂

國朝謝允昌建

明空院 在天目山南麓舊名興平唐文德中建宋改今

名僧曇印以說法被遇理宗賜御書及贊焉

成化舊志

西明空院 在縣西南五十里舊名朱山唐大中間建宋

改今額

於濟縣志下並同

布金院 在縣東二十里舊名朱金唐乾寧三年建宋改

今額

普明院 在縣北四十五里舊名普照梁乾化中建宋改

額後廢今復建

廣福院 在縣南二里梁時吳敬忠捨宅建舊名國泰宋改額壽聖後改今名舊有放生池般若莊爲水衝蕩遂廢今併寂照寺

廣慈院 在縣北四十里舊名烏息唐天成間建于滴翠峯下相傳僧師瓊戒行精進有烏隨之僧死烏亦化故名

宋時改今額

武林
梵志

三學院 在縣南十五里舊名三白唐光啟中建宋改今

額

於潛縣
志下同

張雨三學院詩上方臺殿駐餘暉露下烟寒獨掩扉山木蕭條啼鳥歇道門清靜俗人稀鐘兼遠籟回鄉夢雁帶新

涼到客衣擬約許珣同
下榻自憐曲典每相違

褒忠院 在縣北四十里唐光啟間頭陀朱道從建宋皇

祐間名保福理宗賜洪忠文公爲香火院更今名

淨勝院 在縣南六十里舊名靖勝唐清泰中建宋改今

額明成化間重葺

嘉靖於
潛縣志

廣覺院 在縣東二十五里舊名落雲相傳俱胝道者飛

錫騰空落雲于此因名唐清泰間建宋時改今額

於潛縣
志下同

福興禪院 在縣南三十里舊名慈雲晉天福間建宋改

今額

妙樂院 在縣北七里晉天福五年建舊名安樂宋時改

今額 嘉靖於
潛縣志

清修院 在縣南十五里舊名報國周顯德間建宋改今

額 於潛縣志
下並同

悟真院 在縣南三十里舊名白龍宋建隆中建治平中

改今額元末燬殿獨存

崇法院 在縣西南三十里舊名崇福宋乾德中建治平

中改今額

開化院 在眉山絕頂宋紹聖中豫章陳安節隱居于此

紹興間僧福瑛同立精舍名澄鑒後賜額有陳公讀書堂

生仙宮 在縣南三十里漢張道陵故宅一名集真宮 嘉靖

於潛
縣志

新城縣

碧沼寺

卽寧國院去縣七里

新城縣志

晉郭文舉常隱于此

咸和二年人爲立祠禱祈必應天福八年吳越王因碧沼

清澈遂題額曰碧沼

武林梵志

杜荀鶴碧沼寺詩山半一山寺野人秋日登就中偏愛石
獨上最高層有菓猿搖樹無齋鶴看僧儒門日多事來此
復何能碧沼早聞僧說好今來偏與我相宜有山有水
堪吟處無雨無風見景時漁父晚船分浦釣牧童寒笛倚
牛吹豷師畫得從他畫畫得應輸八句詩裴極碧沼寺
詩一沼光涵四座寒夕陽回首更依欄憑師早把香蓮種
他日期來結社看牛仙客碧沼寺詩步步穿蘿入徑幽
栢高松老幾人遊花開花落非僧事自有清流對碧流
潘閩寧國院詩五峯高插雲居勝攬景留題起味長功樹
葉陰山骨潤白蓮花馥水心香鶴尋巢徑松千蓋僧回溪

流石一床閒
瓶不知西日落
馬蹄歸去帶殘陽
林杜碧
沼寺詩
兩谷泉聲冷
烏啼僧定深
好花叢古砌
寒瀑發高
岑游者
陸鴻漸
居人支道林
欲辭青障去
臨去復成吟
釋智同
碧沼寺詩
一到無塵境
相侶靜話長
秋聲歸古木
月色滿空廊
嵐氣浸衣潤
溪泉漱
齒涼
終期整瓶錫
來此掩禪房

寶乘寺

在縣西十八里舊名靈遠唐上元年建

浙江僧通志

休糧開山相傳邑人獲銅像于野遂建寺焉會昌中燬大
中十三年復置爲聖像寺吳越王迎像入城宋大中祥符

元年改今額元末燬重建

武林梵志

白居易贈休糧上人詩三十餘年坐對山只將無事化人間齋時往往聞鐘笑一食何如不食閒

多福禪寺 在青牛嶺上唐大歷三年建名寶福院宋治

平二年改今額

成化舊志

福光寺 在縣北十五里晉開運間建名寶安宋大中祥

符中改資聖院明天順間僧文澄重建改今額

新城縣志
下並同

明寂寺 在縣西七十里宋乾德四年建名靈巖院治平

二年改今額

白塔寺 在北門外二里

龍門寺 在新登鄉

白雲菴 在縣西七十里宋時建

許廣淵白雲菴詩杖錫窮危頂茅菴携白雲軒窓半峯出
鐘磬別山聞海月曉同色爐烟晝雜薰莫敢深靜處思慮

落落塵
氛

萬壽菴 在縣南七里宋祥符元年建

百丈山菴 在縣東南五里因龍王池興建嘉靖二年里人唐真定募建

天柱菴 在天柱山巔舊有皇甫真君祠歲旱祈禱輒應萬歷間僧通純洪祥募建殿宇

梅菴 在縣東三里舊名五馬菴

新城縣志

國朝康熙十年改今名

梅菴碑記

三學院 在縣北十五里晉郭文舉捨宅爲寺梁大同間賜額靈輝後改靈曜宋治平中改今額

萬歷舊志

晁補之三學院詩步月尋溪遇佛齋溪邊石薛濕芒鞋虛窓獨卧聽松竹半夜一山風雨來

普向院 在郭外五十里梁貞明四年建院名回源宋治

平間改今額院有多寶塔

新城縣志
下並同

淨嚴院 在縣西南三十五里梁大同間建爲隱名院宋

治平間改今額明正德七年僧善宸重建

寶林院 在縣西四十里唐中和間建初名上林院宋治

平間改今額

寶勝院 在縣西七里名魚池院唐天寶十年建相傳爲

放生之所內有洞通桐江昔葛仙翁鍊丹于此宋大中祥

符間賜今額元末燬重建

成化
舊志

許仲蔚寶勝院詩青雲路在天煉鼎亦徒然九轉果何物
一泓空舊泉競知丹可煮不問骨非仙汲飲殊無狀翻嗤

葛稚

川

惠濟院 在縣南八里梁乾化間建舊名靈泉院宋治平

間改額

新城縣志
下並同

興教禪院 在縣南三十里唐長興間建舊名興福院宋

治平間改今額

普薰院 在縣西五十里後唐同光時建初名香積院宋

治平間改今額

資聖院 在縣西北三十五里唐清泰初建初名大安院

宋天聖間改今額

東白院 在雞鳴山唐羅隱宅清溪遶前山巒環後邑人

共建爲東白禪院

武林
梵志

凌誌東白院詩題山詠水遍天涯誰識東安
是舊家半畝荒基山寂寂夜深風雨落梅花

多福院 在縣治東唐景福間建爲清新院宋治平二年

請改多福杜公井在焉今城隍廟卽其故址

新城縣志

普照院 在縣東十五里晉天福七年建名普光院宋治

平二年改額明嘉靖五年復興

浙江通志

李浙普照院詩青山遶屋藍光重流水衝街
碧蘚滋獨坐午窓誰語鷓鴣聲裏竹陰移

淨名院 在縣北二十五里晉開運二年建舊爲白雲菴

宋治平間改今額

新城縣志
下並同

法惠院 在縣北二十五里漢乾祐初建舊名太平院宋

大中祥符間改今額

安隱院 在縣西三十里乾祐元年建舊名龍門院宋大中祥符間改今額

瑞相院 在米積山乾祐元年建爲靈瑞院宋改今額久

廢隆慶初重建院有照源堂今廢

萬歷舊志

總持院 在縣北十里乾祐元年建爲永慶院宋治平間

改今額僧勝行重建

新城縣志下並同

延壽院 在縣西一里杜建徽子仁載捨園初建名興福保壽院宋治平間改今額

集福院 在縣西五十五里周廣順二年建初名福春院

宋治平中改今額

慶恩院 在郭外一十五里宋建隆初建舊名報恩院治
平間改今額

正覺院 在縣西六十五里宋建隆初建爲龍門院宋治
平間改今額

華嚴禪院 在縣西一里宋天聖十年建

廣福院 在賢明山宋皇祐間建院在半山法堂之左有
清心泉出于石竇盛夏不竭

勝因院 在縣西二十里宋大觀間邑人徐贊建爲棲心
菴政和間賜額

崇恩報福院 在縣南二十里宋紹興五年建

孝恩永顯院 在縣西一里宋咸淳間建

齊昌院 在縣東一里宋景定間邵窳建

昌化縣

治平寺 在縣治西寺後有山磅礴爲武隆支岡松竹蒼

翠猶屏障然

嘉靖浙江通志

舊名忻平唐大中二年建開平二年

改今額元末燬明洪武十五年重建

武林楚志

二十四年立成

叢林正統間僧宗仙復行修葺

國朝康熙六年知縣劉宗向題古忻平寺額

浙江通志

蘇軾自昌化雙溪館下步尋谿源至治平寺詩二首亂山
滴翠衣裘重雙澗響空窓戶搖飽食不嫌谿筍瘦穿林開
覓野芎苗却愁縣令知游寺尚喜漁人爭渡橋正似醴泉
山下路桑枝刺眼麥齊腰每見田園輒自招倦飛不擬控

扶搖共疑楊惲非鋤豆誰信劉章解立苗老去尚食彭澤
米夢歸時到錦江橋宦游莫作無家客舉族長懸似細腰
戴良宿治平寺詩雲房深處月微黃夜坐清談竹露香
已識浮名似雞肋沒嗟世路若羊腸梵音入耳塵俱盡詩
思當場典更狂解讀東坡
鋤豆句益知世外地清涼

慧照寺

在大鳴山嶺唐大中間悟空禪師建後徙山麓

宋治平間賜額明洪武中僧慧錫重建崇正時復建

萬歷舊志

釋維琳慧照寺題壁詩手裏筇杖七八節石傍松樹兩三株開來不敢多時立恐被人偷作畫圖

龍興寺

在干頃山唐元和間黃蘗禪師居此後有楚南

師乾符間來住禧宗聞其道風賜以鹿胎裙水火珠及慈

雲禪寺額

神州古史攷

宋天聖初移建山巔龍潭之上明末燬

國朝順治十八年僧了然等復建

昌化縣志

法會寺 在縣南三十里舊名龍華梁乾化五年建宋治

平二年賜今額宣和中燬淳熙丙申重建元延祐丙辰災

復建至正末境內寺悉燬而此寺巋然獨存成化舊志明洪武

初僧宗圓復葺浙江通志

吳有法會寺詩地占金山勝泉分銀漢流杉篁能護翠猿
鶴似驚秋祇憶登臨晚寧辭取次蒞列峯饒遠秀不惜上
樓高

法興寺 在雲谷山晉天福三年吳越王建名吳興宋治

平間改額元時燬明洪武十九年重建

國朝順治初復整康熙六年重修昌化縣志
下並同

普向寺 在佛跡山前舊名回向吳越王建宋治平間改

額明萬歷間重建

鄭君平普向寺詩地勝開金刹公餘一訪尋泉傾洗石面
雲出照臺心谷鳥趨禪座山神聽梵音清風行號令不許
有塵
侵

澄寂寺 在縣南二十八里舊名石室宋開寶二年建寺

後有大石穹窿如屋可容二三十人名不疑菴明萬歷間
重建泰昌元年復整

釋詹覺澄寂寺詩巨石勢欲壓僧居常晏然應遺女媧煉
不受祖龍鞭促膝無餘地象頭莫問禪聖凡歸一致荆棘
肯生田 張芬題石室寺詩石頂藹爲芽
石下雲爲戶飛泉日障簾不許凡人觀

百丈寺 在縣西三十里舊名寶勝宋開寶間建熙寧元

年改曰壽聖紹興時改今額明萬歷間僧如繡等重修
江

志

普濟寺 在龍塘山宋咸淳四年道人明瞻治鎮南王母

如病有異術王親爲落髮賜鈔買山建寺額曰普濟賜金
襴袈裟古銅爐一瓶二及金字蓮花經後燬

國朝順治九年知縣李之賁延僧淨柱改建叢林

昌化縣志
下並同

梵安寺 在縣南

吳珣梵安禪院詩山腰小徑細如繩山鳥間關喜弄晴黃
菊有情留客醉白雲無事伴人行野流台處堪分字草藥
枯來莫問各迴首渡頭詩
思遠漁舟一首晚風清

鷺峯寺 在十一都

林孝雄鷺峯寺詩憶昔照厖舍嵐光翠嶽侵金銀沙界斷
紫碧洞天深有斐贈淇澳忘機學漢陰寥寥千古意瑤琴

出遺
音

龍井寺 在三都

余若思宿龍井寺詩策杖投寒寺疎鐘逐晚來暮烟迷古
洞殘篆沒深苔虎踞岩前石螭蟠屋上梅新詩寄明月五
夜筆
花開

南塔寺 在縣南

徐正矩春泛雙溪登南塔寺詩山南春網住共泛木蘭舟
肯市一篙遠中溪兩岸浮林平疎兩宿石險斷雲流豁目
龍宮上渾疑入斗牛康萬有南塔寺詩看山隨意宿僧
房三世精魂一炷香白日有人忙下界紅塵無客到西方
浮屠倒照高低影舍利常懸晝夜光我現宰官能說法不
須喚拜媚空王陳晉明南寺浮屠詩古塔峯頭見烟林
年代述白雲猶起
處碑是昔人題

千頃寺 在西關外

徐學龍宿千頃寺詩野寺孤雲暗空庭暮景殘梁懸中路
淺木落向時乾夜靜聞鐘徹霜清秉燭寒冥懷何處寄千
頃正
憑欄

戒嚴寺 在十二都

車填寺 在千頃山下

竺雲山菴 在縣南三十里千山之頂徑路行險崇正間

石室寺僧如蓮焚修處

水竹菴 在縣西北里人亦名水竹堂

迴風菴 在迴風嶺舊有菴爲息影

國朝順治間燬僧了禪重建

圓覺菴

釋智敷因覺菴曉望詩鳩甫雲深睡正濃曉雲喚起日東紅推窓忽怪山成海萬里銀濤一盼中

清修院

在縣南四里晉天福二年建名招賢

成化舊志

福田院

在縣南十五里晉天福間建吳越王賜額

昌化縣志

戒嚴院

在龍興寺北慧空禪師建明正統間性空上人

克新其宇萬歷間邑令方洵于院左側建以新刹名戒嚴

別院

舊昌化縣志

紫薇道院

在紫薇嶺宋元祐間建原名祐聖後改今額

昌化縣志

上清宮

在縣東南一里

舊志

宋紹興元年建明萬歷四十

五年令華文甫徙建于儒學尊經閣之東崇正二年鄉約

許承鸞捐資重建舊址後圯復修葺之

浙江通志

袁煒講學上清宮沒典詩仙宮聊寓跡清影步秋蟾繞屋
簷低檻當門塔倚天桂香浮茗椀酒味洽蔬筵滿日雙溪
水潺湲
代管絃

杭州府志卷三十二終

杭州府志卷三十三

冢墓

一

三齊記及皇覽諸書皆紀城塚至太平寰宇記備載名人冢墓矣趙清獻嘗上言錢氏墓在臨安者擇人守墓則知樵採之禁固在乎人孤山處士之墓岳于之墳憑弔湖山有餘慕焉豈徒過墟而興哀哉名卿大夫邀祭葬者從通志例俱得備書

錢塘縣

晉 勾漏令葛洪墓

在葛嶺寶雲寺

成化舊志

吳萊登初陽臺謁抱朴子墓詩人生擾擾間頗覺天地窄我憶抱朴子高臺睨空碧初陽出山上照破萬古石丹光

動鼎鑪霧氣浮冠冕遺書上下卷道妙或黃白老衰及病
瘡辛苦爲形役豈伊鸞鳳姿終以狐兔宅尸解本無形空
飛寧有蹟鄭君曾有傳勾漏恍所歷降于儻可問稚川特
未隔幽林來翹颺缺井守蜥蜴神仙果世人海岳長獻劇
世傳老聃死吾謂方朔謫虛墳誰所爲怪樹獨悲激
滿前湖與山秋色落几席因茲些爾魂目送天邊翾

晉

杜子恭墓

在縣北郭

萬歷舊志

孔靈產東出過錢塘北

郭輒於舟中遙拜子恭墓

南齊書孔稚珪傳

齊

高士褚伯玉墓

伯玉與次子仲都皆葬龍山

錢塘志補

按南史伯玉居剡白石山常止一樓上建元元年卒仍

葬樓所是伯玉墓在剡明甚而吳農祥補志據褚氏譜

錄於錢塘且謂梁褚蒙葬茶花山陳褚玠葬九溪於史

無考姑存之

唐 處士姚澣墓 在西山澣吳興人唐大中八年九月

二十四日葬

古今碑目

陳拾遺墓 歲久莫考名字在積慶山下

武林舊事

鹽監于昌嶠墓 近人於青枝塢掘地得唐于府君墓志

乃貞元中人

浙江通志

厲鶚觀唐于府君墓志銘 飄詩梅雨漸漸守環堵書客無
棕遠相聚比鄰唐駝未成土呼童盥手爲迎取縱廣盈尺
製樸古厚徑三寸半蝕腐于君昌嶠字光宇貞元朝士誰
比數塲有小鋪司瀉鹵奉公夕惕亦矜許井桑缺一嗟薄
祐四十字并韻所譜終于家堂阜某甫葬之大墓厥子五
小猶懸角語悽苦文簡而該較繁愈剝如弦磬翳復吐新
亭山陽幾風雨近人掘自青枝塢湖影冥濛失春樹千年
見日闌幽戶阿紫元駒鬱餘怒織鳥西飛誰作主發邱中
郎當貸汝峩峩秦亭名可補圖經積者勢
黜駐墨響手拓好藏弄遠勝金臺尋石鼓

孝女醜娘墓 錢塘縣孝女南鄉故老相傳有孝女唐醜

娘葬此里人美之故以唐墓名

咸淳志

馮孝女墓 在孝女北鄉報恩寺後山古城頭

萬曆舊志

吳越國 文穆王墓 王諱元瓘諡文穆葬龍山之南原

吳越備史 龍山陽有錢王墳一邱隆然其前石獸數枚制甚奇

古有碑甚鉅字雖剝落尚隱隱可讀晉天福二年立稱守

尚書令中書令吳越國王

兩湖塵談

和凝神道碑銘雲起龍驤化為侯王鴻鸞鳳翥鸚鵡立鷹揚
凜然勃氣綽爾雄鋸大名之後五世其昌武肅開基奄有
吳越恩洽百城名馳雙闕旣委招懷復專征伐燾土直芽
乘麾仗鉞尚父棄代元帥承家傳榮襲慶奕葉重施有典
有則去甚去奢威名烜赫事望光華譚藪縱橫詞泉浩渺
曹植思遲崔瑗書少月夕花朝猿巖雁沼筆落綵箋風生

綠篠神傳射訣天富兵鈴遍文月角燕領虬祥威能伏獸
名可愈疴撫衆以惠待士持謙事必有恆政皆求理扶弱
過強先人後已但見偃風莫聞狎水阜康蒸黎廓清邊鄙
量既素廣德嶽彌高禮延耆碩令肅樞豪處趨忠烈府集
英髦講論輟畧獎勸勤勞自靖稱藩益勦迷職虔布詔命
動遵措式每陳貢輸常踰萬億表率方隅匡扶社稷功庸
罕對渥澤無倫禮優伯舅位極人臣筓金錢玉龜鈕龍輪
永承當代莫繼芳塵禁暴戢兵取威定霸方賴控臨忽聞
堯謝雲慘長空星沉永夜號慟軍民涕泗華夏初聞計奏
尋輟視朝深嗟且夷不及松喬倍加贈禮久罷蕭韶君臣
分至水陸程遙間傑淪亡英賢繼襲粹躡悲摧無所迨及
益務撫循加之周給人情既安兵威自戢一方肅靜三世
輝榮朝宗事大誓志傾城欲光家世上奉聖明願書金石
用顯聲名金玉令人鼓旗良帥德盛功崇文經武緯述之
莫窮言之無媿庶幾乎百
世千秋人見之而隨淚

按吳越自五代至宋綿歷數朝故僅稱曰吳越國而不

係朝代後倣此

忠獻王墓 王名宏佐諡忠獻太常卿張昭撰神道碑文

葬於龍山之西南原

十國春秋

孝獻世子墓 在天竺前山按表忠觀碑載錢氏墓在錢塘

者二十有六今不可悉考

咸淳志

宏傳文穆王第五子母魯

國夫人鄭氏王年將四十冢嗣未建及生特加鍾愛累奏授兩浙副大使果州團練使國建立爲世子年十六薨追

諡孝獻

吳越備史

順德夫人吳氏墓 在慈雲嶺西原

錢唐志補

夫人名漢月錢

塘人奉文穆王每以仁恕爲言

吳越備史

元妃仰氏墓 在龍井山放馬場

咸淳志

妃湖州人寧國軍

節度使忝相府事仁詮女也天福八年忠獻王納爲元妃

吳越
備史

順睦妃孫氏墓 在石人嶺下

夢梁錄

妃錢塘人事忠懿王

開寶九年隨王入覲封妃是歲歸國薨

十國春秋

妃黃氏墓 在下天竺

錢塘縣志

按南屏雷峯塔傳爲忠懿王妃黃氏建當卽其人

太尉開府儀同三司諡貞顯薛居正墓 在靈石山冢前

生紫藤遍繞三峯之上其三世孫昂仕至尚書左丞葬天

竺山妙法院

咸淳志

給事羅隱墓 在定山鄉

大清一統志

馬三寶墓 在行春橋水竹塢內俗皆呼馬三寶墓紹興
末增廣前軍教場此冢獨高大衆欲去之方舉鋪間有黑
蜂數百飛出不可向是夜戎帥夢一高冠朱衣者曰吾錢
王之子葬此已久祈勿毀方怪之詰朝得本軍報遂留此
墓西湖百
詠引至元十五年六月有軍廝因樵採至墓墾土得

一鐵券上有字云雁門馬氏葬於橫衝橋云云始知橫春

橋本名橫衝

武林
舊事

按武林舊事所載與俗稱馬三寶墓符而百詠引又謂
錢王子豈三寶爲錢王義子歟董嗣杲詩云若錢若馬
訛傳久難覓埋銘證異同姑附志俟考

宋 莊文太子墓 乾道三年七月九日莊文太子薨詔就安穆后攢宮側擇地太史局官選到寶林院法堂堪充攢所從之閏七月二日出葬

宋史禮志下同

按莊文初名愉後更名愔孝宗適長子乾道元年立爲太子

景獻太子墓 嘉定三年八月六日薨九日詔護喪視殯所于莊文太子攢宮之東並依其制造葬

按景獻藝祖十一世孫寧宗養于宮中立爲皇太子

恭孝儀王仲湜墓 在西湖顯明寺靖康時六軍欲推王而立之伏劍以却日自有真主未幾高宗卽位間關而南

子孫視諸邸爲蕃衍

咸淳志

濟王竑墓

在駝嶽嶺下

建炎以來朝野雜記

王寧宗長子也史彌

遠與王有隙寧宗崩彌遠立理宗王出居湖州太湖賊潘
壬潘丙劫王謀立之王不從率州兵擊賊彌遠稱詔殺王
人多冤之景定五年詔復王爵增修其墓

歷代山陵考

按南宋諸王攢所在錢塘者又有冲善廣王在上智果
院梁廣王在中子峯邵王在瑪瑙山皇子齊王在廣法
院兗王在福教院永王祁王在放馬場壽聖崇寧院俱
載於咸淳志武林舊事

成穆郭皇后成恭夏皇后慈懿李皇后恭淑韓皇后攢宮

並在錢湖門外三里南山之修吉寺每歲春秋太常卿朝獻官吏職掌兵士守衛皆如會稽攢陵之儀

成化舊志

郭皇

后開封人奉直大夫直卿之女孝宗爲普安郡王娶焉生莊文太子魏惠憲王諡恭懷後改安穆又改成穆夏皇后宜春人普安郡王夫人郭氏薨憲聖太后以夏氏賜王卽位立爲皇后諡安恭寧宗時改成恭李皇后安陽人節度使道之女高宗聘爲恭王妃生嘉王卽位冊爲皇后諡懿懿韓皇后相州人忠懿獻王琦六世孫寧宗立爲皇后諡

恭淑

宋史新編

貴妃慕容氏攢所 在小新堤資德院

成淳志

慕容氏哲宗

後宮也崇寧元年封才人靖康之難六宮北去慕容以先朝嬪御得免乃建承慶院處之紹興十四年卒年八十贈

貴妃

建炎以來朝野雜記

賢妃劉氏攢所 方家峪褒親崇壽院後紹興中思陵敕

葬妃子於此

西湖百詠引

劉氏臨安人紹興十年爲紅霞帔十

六年封才人轉婕妤婉容二十四年進貴妃

武林舊事

毛翊劉妃墳詩曾住昭陽殿裏頭何年香骨掩荒邱虛傳碧落歸仙去誰見蒼梧從帝游鸞閣粉消塵影暗蜃爐香冷石人愁風前不敢將梅折猶恐君恩寵未休

貴妃蔡氏攢所

在淨教院

武林舊事

蔡氏初封和義郡夫人

進婉容淳熙十年拜貴妃

宋史后妃傳

貴妃黃氏攢所 在西蓮瑞相院

成化舊志

光宗貴妃爲李后

所妬暴卒

宋史新編

惠順妃賈氏攢所 崇恩演福寺爲賈貴妃攢所周漢國

端孝公主祔焉

武林舊事

惠昭妃閻氏攢所 西山集慶寺理宗朝閻貴妃攢所也

妃父墳亦在寺右今蕪廢久矣

兩湖塵談

淳祐八年九月冊婉

容閻氏爲貴妃景定元年七月薨諡惠昭

宋史本紀

按南宋時又有貴妃張氏攢永寧崇福院高宗妃也貴

妃李氏賢妃陳氏攢慈聖院孝宗妃也貴妃茅氏攢茅

寺婉儀魏氏攢喜鵲寺未詳何朝

知杭州加兵部侍郎胡則墓 在龍井廣福院之麓范仲

淹作墓誌銘

咸淳志

則字子正婺州永康人天聖明道間再

牧杭州致政後退居西湖朝廷命長子楷通守錢塘以就
養之寶元二年終私第夫人頽川郡君陳氏先以壽終合

葬錢塘之風篁嶺

范文正公集

郇國公贈太尉諡文憲章得象墓 在棲真院側

萬歷舊志

得

象字希言浦城人進士及第楊億以其有公輔器薦之歷

知制誥官至鎮安軍節度使同平章事

宋史本傳

都官員外郎元奉宗墓 奉宗字知禮其先臨川危氏也

王考德照爲吳越王相賜姓元氏景德中公中甲科歷仕

尚書屯田員外郎思侍松楸願得餘杭監郡詔從其請進
都官員外郎景祐戊寅考終永定里葬錢塘履孝鄉駝嶺

嶺之先塋

范文正
公集

御史知杭州唐詢墓 字彥猷仁宗朝爲御史歷蘇青杭

王州愛錢塘之靈隱以爲山水甲天下而公之幽居乃卜

于寶峯葬後三年仲子垆爲作堂于寺之西偏

沈雲
巢集

和靖處士林逋墓 在孤山陰

大清一統
志

逋嘗自爲墓於

其廬側臨終爲詩有茂陵他日求遺藁猶喜曾無封禪書
句逋客臨江時李諮方舉進士逋謂人曰此公輔器也及
卒諮適爲州守爲素服與其門人臨七日葬之刻遺句納

墳中宋史本傳紹興建延祥觀盡徙孤山僧廬惟處士墓詔勿

遷咸淳間金華王庭書和靖先生墓五字刻石立墓前咸淳

志楊璉真仰發其墓聞棺中一無所有獨有端硯一事余

公謙提舉浙省儒學力于先生墓上起廢旁山建祠塑先

生像于其中進昌雜錄成化十年郡守李端重修邑人于冕沈

恒于墓上重種梅百樹萬歷舊志

葉森和靖墓堂記和靖先生墓在孤山至元己卯江浙儒
學提舉余謙德鵠命西湖書院山長陳泌汝泉同森修葺
之復言於憲屬以達憲副楊公翼飛各捐俸助森因借士
人陳子安王思齊朱信甫韓伯清朱齊莫景行張景仁
僧本初如志道流王眉叟張伯雨作祠堂庖福而西湖書
院特建一亭錢塘尹趙名淵復建墓前屋始于是年四月
廿三日成于五月十三日是日祀以少牢名其軒曰鶴軒
翼飛書扁又得張南軒先生梅軒二字揭諸亭植梅數百

本于山之上下子安持一鶴爲山中榮因致告先生曰昔
人以先生遊觀之所匪鶴不能今人以先生神遊之所亦
匪鶴不能故獻茲禽方其號處士溝適集賢學士楊公曼
碩奉詔祀南鎮弭節寫頌捐助百千衆因名學士溝揭公
遂書學士溝三字并爲文記之于是開莎地疏僕夫衆修
瑪瑙坡揭處士橋監祭御史趙公宗吉書門額及堂復與
御史張公國楨稔檄請論而春秋祭之于時行忝知政事
吳公彥宏偕廉訪司諸公并士人僧道告祭不絕德焉命
僧書辭于石并撰歲祀文仍檄森主奉祠事以邵壽方成
亦嘗致力俾爲掌墓之職并設門子二人取米于嘉湖宜
興四學量給之焉趙師秀林逋墓下詩梅花千樹白不
是舊時村頤我沽來酒酌君仙去魂短碑藤倚蔓空豕竹
行根猶有歸來鶴清時欲與論徐逸弔林和靖詩咸平
處士風流遠招得梅花枝上魂疎影暗香如昨日不知人
世幾黃昏林景熙調和靖墓詩回首咸平夢清風自滿
湖乾坤一士隱身世此山孤鶴去空秋夢梅花尚舊株耳
孫今白髮持酒酌寒燕仇遠和靖先生墓詩飛仙又向
別峯遊竹下閒來且少留滿鬢朔風吹客帽倚闌落日在
漁舟梅花路滑難尋種葑草田荒半作洲獨往獨來沙鳥
怪山空日落使人愁吳錫疇林和靖墓詩遺案曾無封

禪文鶴歸何處認孤墳清風千載梅花共說著梅花定說
君勞宗茂孤山懷林處士詩人代幾興廢處士留孤墳
放鶴鶴已去片石駢寒貧夫蠹慕賴叔世期高動遂令
樓逕客飄然冠人羣峴山沉豐碑茂陵蝕遺文明湖水一
涯梅葩散清芬香風入澄波滌蕩
春空雲余亦愛岑寂題詩若爲聞

冲晦處士徐夷墓 在靈隱山石筍院

古杭雜記

諫議大夫楊大雅墓 大雅字子正錢塘人以諫議大夫

集賢院學士出知亳州有西垣集景祐二年與漳南縣君

合葬

歐陽文忠公集

按大雅初配漳南縣君繼配廣平郡君歐公誌大雅墓

第云葬杭州某鄉而別有廣平郡君墓誌云葬履泰鄉

于靈隱山祖塋西大雅墓當亦近之

少師諡章簡元絳墓 在南蕩山

咸淳志

絳字厚之自著作

佐郎十三遷至尚書工部侍郎五易封爵至魏郡公卒葬

錢塘西山夫人太原王氏蜀郡王氏並附

蘇魏公集

京東提點刑獄陸廣墓 廣字彥博天聖三年進士皇祐

四年以使走齊州卒于平陰嘉祐六年正月歸于錢塘范

村之穴

王荆公集下同

太常少卿沈周墓 皇祐三年卒明年子扶子括葬公錢

塘龍居里先公尚書之兆公字望之以進士起家爲侍御

史按察江東自請得明州遂以分司歸第卒

祠部員外郎強至墓 至字幾聖墓在小麥嶺今石羊虎

猶存其子文憲公淵明墓在西溪欽賢鄉諸子多祔此

武林

舊事

進士陶叔獻墓 叔獻字元之廬江人父官杭州巡檢始

家焉叔獻以皇祐元年三月登進士四月卒于京師與其

考妣序葬于月輪山之東原

西溪集

直秘閣錢蘇墓 在靈隱天竺兩山之間

武林紀事

知樞密院事諡莊敏章棗墓 在寶石山

咸淳志

棗建州浦

城人歷官同知樞密院事立邊功爲西方最投資政殿學士中太一宮使卒賜卹甚厚命其婿劉河使兩浙供葬事

贈太師諡莊敏

萬歷舊志

司農少卿沈振墓 振字發之以熙寧六年卒于河東私

第明年二月葬龍山先塋之左

雲巢集

雲巢先生沈遼墓 遼字叡達以翰林公任爲將作監主

簿監杭州軍資庫以被誣奪官元豐八年卒池州還葬錢

塘縣龍山

雲巢集附錄

都尉周邠待制周邦彥墓 並在南蕩山子孫今居定山

之北鄉

咸淳志

浮梁尉吳天秩墓 天秩字平甫工爲文有集五十卷卒

于元豐三年葬履泰鄉龍井之原韋驥作墓志

西湖志

典樂徐伸墓 在南山棲真院側伸字幹臣號青山翁

武林

舊事

尉曹將金勝祝威墓

在雲陽洞之右

萬歷舊志

贈直龍圖閣浙西提刑周格墓

在獨角門步司前軍塞

前

咸淳志

格處州人爲浙西提刑建炎元年討叛卒陳通與

子肇丕俱遇害敕葬此地其子耐焉

大清一統志

右文殿修撰周杞墓 在九里松滕家原水岡塢格之弟

也建炎三年知常州值苗劉之變倡義勤王功最右席

咸淳

志

諡忠宣洪皓墓

在葛嶺

建炎以來朝野雜記

直秘閣朱弁墓

弁徽州人南渡後使金見執附表有云

節上之旄盡落口中之舌徒存嘆馬角之未生攀龍髯而

莫逮上爲感愴後與洪張二公俱歸除直秘閣卒旅殯西

湖朱文公爲作行狀尤文簡公豪作誌銘

咸淳志

弁卒臨安

白龜池之寓舍遺命歸葬不果權厝西湖智果院後四十

年其從孫熹官浙中卜葬錢塘積善峯下

成化舊志

金志章宋朱公少章墓下詩淚灑龍髯恨未休橫街橋畔
認荒邱十年雪窖孤臣老五國春風望帝愁通問有碑存
素志渝盟無日復神州行人弔
古斜陽外芳草粘天馬鬣幽

太府寺丞陳剛中墓 在龍井風篁嶺沙盆塢

大清一統志

剛中福州閩清人建炎二年登第紹興戊午應詔上封事

主議恢復忤秦檜意編修胡銓以鯁切貶新州作啟賀其

行遂與張九成等七人同謫差知虔州安遠縣作詩有同
日七人俱去國何時萬里許還家句至縣適有嶺寇之擾

究心招撫感瘴而歿

咸淳志

王瀛過陳寺丞墓集句二首今日漂零過古墳杜鵑枝上有啼痕空餘故國山如畫剪紙誰招萬里魂華表山空白鶴歸孑孫寒食紙錢稀行人莫問當年事斷石淒涼臥落暉

少保鄂王諡忠武岳飛墓

在棲霞嶺子雲耐葬

大清一統

志隆興時中丞汪澈宣撫荆襄故部曲合詞訟飛寃哭聲

雷震孝宗詔復飛官以禮改葬養子雲死時年二十三亦

以禮耐贈安遠軍承宣使

程史

岳侯之斃獄也獄卒隗順負

其屍出踰城至九曲叢林中葬之山隅樹雙橘子上識焉

順將死謂其子曰異日朝廷求而不獲汝當告言棺上一鉛甯有棘寺勒字吾埋殯之符也後果購其瘞以一班職爲賞其子上告官悉如所言而屍色如生尚可更殮禮服也

朝野遺記

至元以來墳漸傾圯江州岳氏名士迪者與宜興

州岳氏合力起廢

輟耕錄

岳王墓木皆南向天順時同知馬

偉取檜折幹爲二植墓前名分屍檜正德八年都指揮李隆範銅爲檜及妻王氏万俟卨三像反接跪墓前萬歷中兵使者范涑增張俊像撫臣王汝訓沉張俊王氏兩像于湖移檜高二像跪祠前

湯幢小品

嘉靖十四年巡按御史張景

刻盡忠報國四大字于石豎墓之南叅政洪珠書提學僉

事徐階爲記

萬歷舊志

國朝雍正七年總督李衛飭屬員重修錢塘縣知縣李惺重鑄

四鐵人立碣爲記

浙江通志

胡炳文拜岳鄂王墓詩有公無此日再拜淚交頤大義君
臣重孤忠天地知鵙毛何太毒龍渡只如茲墳畔休留楸
行人欲斧斯趙孟頫岳墓詩岳王墳上草離離秋日荒
涼石獸危南渡君臣輕社稷中原父老望旄旗英雄已死
嗟何及天下中分遂不支莫向西湖歌此曲水光山色不
勝悲鄭元祐岳武穆王墓詩棲霞嶺南湖水陰墓木兩
枝高百尋鬼神呵護霜雪幹日夜怒號風雨音山僧遞錢
每自挂隴首金椎那得侵精忠旣已塞天地英爽尚兩盤
山陰恨雖無血可化碧世故有人能範金恭惟父子一坏
土緬想君臣千載心萬松嶺前行殿廢五國城頭寒湍沉
空台遺黎痛至骨荒墳一上一哀吟冀瑞咏岳王孫縣
尉復棲霞墓田詩岳鄂諸孫復墓田清明寒食起新煙道
旁爲我除蒼檜山下如今哭杜鵑高廟神靈應悔此中原
父老尚凄然西湖靡靡行人去却望棲霞轉可憐王逢

岳鄂王墓木詩昔僑嘉會門嘗謁岳王墓二樓儼喬梓十
八松夾護一壁青天豁半嶺靈巖度席然捲旄頭槩若列
武庫勢回退飛鷗神悅獨屏樹適來卉衣坐載陟苔花作
遺像雖土木快覩猶披霧還鄉驚草昧臨衝乏材具溪園
黃葉深多爾特我顧粲粲岳林圖依依接霞路物性本莫
齊英氣實攸聚月中劍精起想像熊羆聚以神敬拂拭老
淚忽雨潄龍雲與魚水艱哉君臣遇益使滄蕩人終身樂
幸布高啟岳王墓詩大樹無枝向北風千年遺恨泣英
雄班師詔已來三殿射虜書猶說兩宮每憶上方誰請劍
空差高廟自藏弓棲霞嶺上今回首不見諸陵白露中

江淮浙西制置使諡武穆劉錡墓 在定山北鄉敕賜功

德院額曰旌忠

咸淳志

宋無名氏題劉公墓詩將軍力盡馬蹄穿一片丹心萬古
傳叱吒風雲起平地扶持日月麗中天寶刀挂壁血猶在
丹詔褒功墨尚鮮到底英雄身不死旌忠長倚碧雲邊
金志章劉武穆墓下詩衰草荒原卧石麟路人猶指故將
軍丹楓似立順昌幟鐵馬空瞻京口雲韓岳之間成鼎足
逗留一謗失元勳祇今濁浪西風外淘盡英雄曉夜聞

按咸淳志及成化府志皆作劉錡萬歷志因鄒王字悞
改作劉光世以後各志多循之然改名就爵何如考爵
定名卽宋人力盡馬蹄穿一語觀之光世不肯任國事
史所明譏豈克當哉今謹依

大清一統志改正

烈文侯張憲墓

在東山衙元總管夏思忠爲立表識

成化

舊志張侯墳止遺一邱淪于草莽土人王天祐偶見篆碣題

曰張烈文侯墓歸卽具言當道巡按張公縉遂往相地修

築塋域仍樹故碣墓前以識其舊時正德十四年事也

武林

紀事正德間造張侯憲墓掘地又得于朋孫墓誌銘時鎮巡

督促方嚴委官恐更滋累碎而棄之

七修類藁

吳璜弔張烈文侯墓詩將軍墳墓久淒涼一吸精忠伴夕陽寂寂松篁鎖煙霧離離禾黍散牛羊遺逢盛際褒忠烈整頓荒邱待表章料得英靈終不泯千秋猶是鎮錢塘

輔文侯牛臯墓 棲霞嶺北有古劍關宋時牛臯墓在焉

名勝志

嘗有童子牧牛墓上忽自投擲山麓而折牛角于山

之巔自此人莫敢犯

湖廣雜記

臯字伯遠汝州魯山人爲武穆

部將累轉寧國軍承宣使紹興十七年都統制田師中大
會諸將臯遇毒卒或言檜使師中毒臯云景定初追封輔

文侯

西湖遊覽志

贈少保忠勇李寶墓

在定香橋

武林舊事

太師吳王諡宣靖吳近墓 憲聖后父宣靖王先殯金陵

暨憲聖備妃冊始敕葬天竺石人嶺下塋上有屋蓋垂簾

后父制也

四朝開
見錄

太師太寧郡王吳益墓 吳益王神道碑蔣燦書甚佳墓

前二石馬琢刻如生舊傳夜輒駢其鞅轡光瑩如玉

武林
舊事

接近以高宗憲聖后貴累官武翼郎卒贈太師封吳王

子益官節度進太師太寧郡王諡莊簡耐葬于宣靖墓

側所謂吳益王是也田李西湖志皆以爲吳后攢所誤

敷文閣待制柳約墓 約字元禮秀之華亭人考諱廷俊

述古殿學士公登大觀三年上舍第深于經術大爲學者

所宗宣和七年拜監察御史靖康時兼權殿中侍御史嘗
論三鎮不可棄改尚書工部員外郎歷遷浙江兵馬都監
頗以忠勞召用郊恩對次待制紹興十五年告老卒遺命
以述古葬臨安諸子遂亦葬公西溪去先塋纔數里云

周平

園集

御史毛子俊墓 在西山玉泉子俊本汴人扈蹕南來嘗

上書言事與秦檜忤罷官歿葬于此

舊浙江通志

殿步帥謚襄恪趙公墓 在西溪欽賢鄉中興以戰功顯

嘗爲殿步帥

咸淳志

密字少微太原人乾道初卒贈少傅

宋史

本傳

武義大夫畢進節度使謚忠毅畢再遇墓 並在西溪

墓梁

尚書員外郎董京墓 在棲霞嶺埽埽塢子樞密院承旨

必先墓

成化舊志

集英殿修撰曾炎墓 炎字南仲裔出南豐曾氏隆興元

年進士知溫州築瑞安石岡及平陽斗門慶元三年召赴

行在轉官起居郎兼權刑部侍郎嘉定二年以宗祀禮封

曲阜縣開國子四年薨葬錢塘欽賢鄉西溪

樓攻媿集

都運趙鞏墓 在徐范村之間

咸淳志

鞏字子國錢塘人登

乾道進士學者號西林先生禁僞學時編入黨籍

武林紀事

淳固先生宋斌墓 在西湖資國寺右

墓梁錄

承議郎張鉉墓 鉉字深甫慶元三年十一月卒年三十八四年九月葬西湖佛首山之原君以考宗元恩任爲承事郎歷轉運司明州造船塲簽書不以卑冗怠事尋官藥局尤號閒冷獨以書自娛屬文辭見志所居帷屏門壁皆有銘以自警戒

渭南集

按鉉爲功甫張鑑之弟所葬佛首山卽寶石山麓大佛頭也西湖志作佛手敘列于石屋翁家山間誤

樞密呂思恭墓 思恭字禮夫東京人自承信郎積官至

樞密院葬錢塘積慶山原

江湖長翁集

處士孫惟信墓 在水仙廟側惟信字季蕃始居婺棄官

隱湖山間號花翁工爲長短句趙安撫與憲葬之劉克莊

誌其墓

咸淳志

徐集孫挽孫花翁詩清氣散乾坤人亡名尚存玉寒埋葛嶺墨淡係素村井菊風號竹山花月返魂子孫無處覓吟客酌芳樽仇遠孫花翁墓詩水仙分地葬詩人一片荒山野火焚薦菊有亭今作圃掃松無子漫留墳蝸牛負殼枯碑石老鶴移雛入隴雲欲把管絃歌楚些却慚度曲不如君

處士姜夔墓

夔字堯章鄱陽人著白石道人集

白石道人集序

夔葬西馬塍蘇石輓之詩曰所幸小紅方嫁了不然啼損

馬塍花

城北雜記

處士高翥墓

葬孤山後談家山

武林舊事

翥號衍孫錢塘人

抗志厲節恬然信有天命扁所居曰信天巢耽西湖形勝
與周文璞詩酒相與孝宗朝累徵不起賜號菊澗賜談家

山爲葬阡

仁和縣志

紫芝山人趙師秀墓 在葛嶺寶巖院紫芝温州人有詩

集行世

咸淳志

劉克莊弔趙紫芝墓詩奪到斯人處詞林亦可悲世間空
有集天下便無詩盡出香分妓惟留硯付兒傷心湖上塚
誰葬復誰碑

上官良史墓 在北山招賢寺後

萬歷舊志

良史字季長號淇

園

武林舊事

杜汝能墓 在西湖麴院

錢塘縣志

汝能字叔謙號北山昭獻

太后諸孫有能詩聲

宋詩紀事

樞密金淵墓

淵號水壑嘗作書堂于積慶山因葬焉

武林

紀事

司農寺丞周嗣源墓

在五雲山字濬之汴人建炎扈駕

南渡居杭元祐癸酉葬五雲山

周氏家譜下同

贈中大夫周玠墓

在八盤嶺妻樊氏旌表貞節贈福昌

縣君合葬工部樊光遠誌

漳南廉訪使周溥墓

在合澗橋西南

少師葉仲愈墓

在大慈鄉赤山

成化舊志

學士柴士宗墓

在玉泉寺西北士宗本汴人宋高宗建

炎年間兄弟二人扈蹕南渡一爲學士一爲校尉士宗卜

居于杭卒葬玉泉爲武林柴氏始祖

西湖志

義士陶菊隱墓

在洛山錢王潭左

陸樹本墓碑

陶菊隱嘉興

人失其名德祐末元兵南下菊隱聞勤王之詔散家財招集義兵以拒元謁文丞相于軍宋亡遺士流寓者多依之

當時與趙孟頫殷澄稱秀州三義

舊浙江通志

葉元素墓

在五雲山

萬歷舊志

元素字唐卿號苦磯詩人

武林

舊事

施岳墓

在虎頭巖岳字仲山號梅川吳人能詩詞精于

律呂楊守齋植梅作亭以葬薛夔桂撰墓志李質房書丹

周草隄篆蓋

古今碑目

封廣應侯謝達及孫謝緒墓 俱在金龍山陽緒卽金龍

大王

舊志

贈秘閣修撰徐應鑣墓 應鑣字巨翁江山人咸淳末補

太學生德祐二年三宮北行應鑣與子琦崧女元娘登樓
縱火自焚僕驚撲之復與子女投井中死益王褒贈以官
同舍生劉汝鈞率諸儒收葬方家峪廣嚴院側號正節先

生

武林紀事

林景熙太學同舍徐應鑣誓義沉井後十年衆爲營墓立
碑詩高名不與魄俱沉魚腹孤忠耿至今翠碣已書身後
諡寒泉 照死時心神遊舊月山河異 夢斷棘槐風雨深
埋骨誓終從武穆棲霞嶺樹隔秋雲 方回故太學徐君

挽辭蹈海沉江合北踪子陽蛙坎可能容自闔門外韓擒
虎豈乏雲間陸士龍信矣百年誰不死哀哉三子亦相從
爛爲井底泥無恨肯顧區區馬鬣封

參知政事陳文龍墓 在智果寺旁葬之次日墓卽生竹

竹俱有刺人不能登衆謂忠義所感 大清一統志 文龍字志

忠興化人度宗朝廷試第一人德祐末北兵入閩不屈生

縛之至杭病卒于貓兒橋巷 三柳軒雜識

劉麟瑞樞密陳公昭忠詩曾聽臚傳冠集英當時御筆爲
更名淳熙相譜家瓊復德祐樞臣國祚傾鄉部孤忠連殺
氣囊山一鼓張軍聲首邱只戀行都土愁絕蓋韓訴不平

樂安郡君翟氏墓 尚書主客員外郎錢塘沈扶之夫人

翟氏以治平三年卒詔以扶守蘇州葬夫人于龍居山鼻

姑之兆男曰邁曰廻曰遼曰遯曰道

王荆公集

關景仁妻周氏墓 夫人名婉字東玉嫁關氏爲豐縣令

景仁妻卒治平二年葬履泰鄉葛松原

南豐類藁

按平陰主簿關景暉妻曾氏曾鞏長妹也葬于龍井亦

見南豐類藁

元 溧陽州學正仇遠墓 在棲霞嶺

成化舊志

張翥詞仇仁近墓詩前輩凋零盡南陽有古阡詩應傳四海酒不到重泉槐國真成夢桃源亦是仙松根一掬淚恸淡墮風煙 錢惟善拜仇處士墓詩窮八十年江海正凄然玉塵風生顏青山雪滿顛門藉張藉俊墓表孟郊賢出處人皆識

哀歌徹九泉

徵士王泰來墓 泰來字復元其先大名人因薦館于集

賢院乞歸居錢塘自號月友處士卒葬茅家埠積慶山陽

松雪齋集

臨淮尹蔣會隆墓 濠上蔣會隆官淮東道儒學副提舉

遷淮安路臨淮尹以大德乙巳卒墓在錢塘玉岑山

程雪樓集

編修楊載墓 載字仲宏由浦城徙家杭州卒葬錢塘

武林

紀事

國子監丞陳旅墓 在西湖北太學山

成化舊志

旅字衆仲興

化莆田人以薦除國子助教出爲江浙提舉

四朝詩選

貞白先生吾邱衍墓 衍死于水西湖多寶院僧可權嘗

從衍學葬其遺文于後山乞銘于胡汲仲銘曰生弗賻死

弗辱貞哉白

武林紀事

凌雲翰悼吾子行詩布衣吾道士舉世莫能偕遽作騎鯨客空遺夢蝶齋陽冰書瘦硬方朔語恢諧墓碣銘貞白臨

文每

愴懷

浙西宣慰楊瑀墓

在葛嶺

錢鼎志補

蘭溪州判官白斑墓

淇淵先生斑字廷玉天歷元年九

月十五日卒年八十一葬履泰鄉棲霞山之陽其子遵治

命題曰西湖詩人白君之墓

宋學士集

江浙儒學提舉葉廣居墓

在赤山

萬歷舊志

處士鄭德峻墓

在西湖玉泉山碧梧原左周伯琦題有

元竹隱鄭處士墓

古今碑口

行省左司員外郎張昱墓 在棲霞嶺昱嘗曰我死得埋

骨西湖題曰詩人張員外墓足矣及卒竟如其言

萬歷舊志

生營壽域于西湖赤岸名曰樂邱自爲志銘

陳心吾樂邱頌序

胡奎弔張員外詩西湖頭碧草春天留山水
葬詩人老逋泉下應相見爲說梅花寫得真

高士丁鶴年墓 在清波門外

大清一統志

按鶴年西域人避兵錢塘屏絕酒肉廬于父墓以終其身卒葬其旁

周天祐墓 天祐字思順五世祖燧由汴扈宋高宗南渡

籍杭天祐好學讀書居家以孝聞監察御史李完者薦授

嘉興崇德州倅不赴洪武四年葬茅家埠祖塋

貝清江集

沈禮墓 禮字仲和素好書廣致異本列皮左右晝夜研索期不愧于古人洪武九年卒墓在錢塘城西金固山

宋學

士集

俞和墓 和字子中桐廬人父章遊錢塘因家焉子中得趙文敏用筆法篆楷行草各臻其妙至正初修遼金宋三史移文江浙行省繕寫屬子中校正既竣事參知政事秦公擬以學校官處之固謝以洪武十五年葬于南山仙芝

塢

始豐類業

禮部員外郎程文墓 在石人嶺下文徽州人有文集行

世

萬歷舊志

按各志皆列文于元惟西湖志以爲明人未詳孰是

崔復妻趙氏墓 夫人名淑端魏國公孟頫之孫女寇陷

錢塘復遇害夫人奉舅姑神主以出教子成家觀書史涉

女事者記以自箴一時俱稱其賢洪武六年葬履泰鄉積

慶山先塋

始豐類藁

張雨墓 墓近玉鈞橋雨賣玉鈞所建也墓久頽廢成化

間嘉興姚綬葺之旣爲立傳復爲之銘

西湖遊覽志

正德時山

民鋤地值墳見一人盤膝坐爪髮俱長懼而掩之中有書

二冊攜其一出至鄭栗菴環家鄭願以一金易之其人云

當至彼再取其一 行將及忽風雷大作失書所在

六硯齋筆記

楊維禎俚句曲外史詩黃篋樓頭仙一去明年黃篋掃狼
烽不知天上修元史只訝山中伴赤松石室秘書愁攝電
星池遺劍已成龍思君不見夜開戶月在金鐘玉几峯
姚綬拜伯雨墓詩百年尚友重文章登拜孤墳一瓣香赤
壁舟中驚鶴夢玉鈎橋下莫椒漿匣藏神劍猶生氣雲秘
秋山自老蒼雙眼摩娑舊碑刻還疑清夜吐虹光 王穉
登張伯雨墓詩一坏蟬蛻瘞寒雲天上神仙
地上墳香骨化為遼海鶴華陽洞口待茅君

明 驃騎將軍嚴德墓 在靈隱寺西 萬歷舊志 德太平當塗

人從明祖討張士誠有功遂令守禦杭州會天台賊叛往

討中流矢卒追封天水郡公敕有司治葬 西湖遊覽志

禮部侍郎蔣驥墓 在尉司里仙芝山 萬歷舊志 驥字良夫洪

武庚辰進士官禮部侍郎宣德中賜葬 萬歷塘縣志

翰林院侍讀王洪墓 在尉司下扇里 成化舊志下同

兵部尚書方賓墓 在南山法公埠

周府長史瞿佑墓

在甘溪

舊浙江通志

高州府教授高德賜墓 在南山庶子鄒濟作銘

武林紀事

兵部尚書柴車墓 在大遮山之西原

成化舊志

車累官兵鄒

尚書卒于京贈祭葬給驛歸其喪

萬歷錢塘縣志

禮部主事陳鏞墓 在石屋嶺西

舊志

湖廣布政叅議周文墓 在玉岑山高麗寺前

錢塘縣志

兵部尚書諡貞襄徐琦墓

在積慶山之原

成化舊志

徐貞襄

公賜葬南山之原土名陸家塢掘地得誌石謂是宋金樞

密墓遂掩穴移上數武

兩湖塵談

楊士奇悼徐良玉詩西度安南奉使來玉葩曾
見嶺頭梅天朝老吏清于水不帶飛花半點回

布政司夏時墓 在武林山之西石人嶺成化舊志

太僕寺卿王榮墓 在石屋嶺萬歷舊志

兵部尚書贈太傅諡忠肅于謙墓 在縣西十二里三台

山麓明成化二年建祠曰旌功每秋月杭人蠲潔于祠中

祈夢最驗大清一統志

國朝康熙三十一年杭州知府李鐸修葺雍正七年總督李衛

飭屬員重修祠墓浙江通志

明憲宗諭祭文廟以俊偉之器經濟之才歷事先朝茂者
勞績當國家之多難保社稷以無虞惟公道以自持為權
奸之所害在先帝已知其枉而表其生一順乎天理屈于前
官遣人諭祭嗚呼哀其死而表其生一順乎天理屈于前

而伸于後允恆乎人心用昭百世之名式合九泉之意靈
爽如在尚其鑒之沈明臣謁于肅愍墓詩空山下馬謁
荒墳寢廟豐碑禮數尊敢信不移鐘鼎日便忘歸賜錫錢
恩松楸永閔孤臣骨天地長依九廟魂門戶誰憐房杜少
守祠聞說有雲孫陸弼忠肅公墓詩荒墳隣近岳王宮
異代孤臣伏殿同北狩忽聞哀痛詔中興多仗保釐功百
年天地同元氣五夜松楸度烈風聖主祇今恢廟畧玉門聞已罷和戎

按察司僉事王琦墓

在仙芝嶺

成化舊志

太常少卿陳贄墓

在風篁嶺龍井山之原子右通政嘉

猷耐

萬歷舊志

徵士張翱墓

在八盤嶺翱字介然宣德時佐潘中丞平

粵有參贊功特旨召用辭歸遊心著述孫應祺應時曾孫

瀚濂等以甲科登仕籍者七十餘人

舊浙江通志

禮部尚書諡文僖倪謙墓 在南屏山麓

舊志

忠烈黃斌墓 在學士港正統十四年征處州賊葉宗留

戰没于陣

萬歷舊志

僉都御史鄭顯墓 天順二年葬龍山魏驥作墓誌

西湖志

廣西右布政武達墓 在錢塘洪度山陽南京吏部尚書

魏驥爲銘

萬歷舊志

左府都督僉事許亨墓 在天竺後山楊榮爲墓誌云亨

鎮浙江都司二十餘年没軍士咸奔送其喪去今四十年

人猶思之不忘

西湖志

處士劉英墓 天順中郡守欲以明經起固辭卒葬南山

慈雲嶺

程篁墩集

明威將軍萬椿墓

在西溪安樂山

萬潮墓誌

廣西布政沈敬墓

在丁家山成化中諭葬

萬歷舊志

左府都督僉事張真墓

在小麥嶺成化七年諭葬

錢塘縣志

太僕寺少卿吳謙墓

在茅家埠成化二十年諭葬

萬歷舊志

同下

副都御史巡撫雲南吳誠墓

在五子嶺成化二十三年

諭葬

按張弼撰誠墓誌云葬龍井山之風篁嶺五子嶺似卽

風篁別名

贈禮部侍郎翰林學士王獻墓 在玉岑山下成化二十

三年諭葬

舊志

都御史李昂墓 在風篁嶺下

錢塘縣志

刑部郎中項麒墓 在積慶山馬婆嶺下

萬歷舊志

按嘉靖仁和縣志謂麒墓在仁和艮山門外永福橋未

詳孰是

廣西布政使叅政朱鏞墓 在大慈山

西湖志

兵部侍郎何琮墓 在方家峪明宏治二年諭葬

舊浙江通志

贈禮部尚書汪諧墓 在龍井宏治十三年諭葬子太常

卿舉祔嘉靖六年諭葬

萬歷舊志

按諧字伯諧墓有李東陽志銘周經正書徐瓊篆蓋

太常寺少卿鄭瓊墓 在石壁山禮部侍郎謝一夔撰誌

銘

嘉靖仁
和縣志

按沈朝宣志仁和墳墓凡縣人葬他處例亦並錄瓊墓
其一也其實石壁山屬錢塘欽賢鄉見于咸淳志中萬
歷志以山名隱僻遂不收瓊墓今特移載

禮部侍郎沈銳墓

在龍井

萬歷
舊志

都御史錢鉞墓

在佛牙塢

舊
志

浙江都指揮僉事王佐墓 佐字廷輔永平遷安人宏治
改元授職赴兩浙備倭在浙凡十年以久涉風濤感疾而

卒葬于定山之原

西湖志

孝子孫宗徽墓

在慶樂園

舊志

錢宏孫仲文墓銘母懷貞兒篤孝吁嗟皇天施必報感遺風勒片石永爲天下人子告

按宗徽字仲文

吏部侍郎李旻墓

在八盤嶺正德九年諭祭

萬歷錢塘縣志

陝西左布政使王廉墓

在西山字希陽洪武時與修元

史後爲陝西左布政使卒葬杭州之西山

聯書亭集

福建按察使祀鄉賢高從禮墓

在大麥嶺

高氏宗譜

贈監察御史許斌墓

在玉皇山梯雲嶺

錢塘縣志

巡撫福建都御史金學會墓

在丁婆嶺

金氏家譜

贈東阿縣李東溪墓 在范村

李氏家譜

吏部郎中張信墓 在西湖南山飲馬橋子瑛太僕丞祔

成化舊志

真人周思德墓 在八盤嶺景泰間諭葬傳詳仙釋

舊志

贈福建按察使高鸞墓 在演福山

高氏宗譜

應天府尹陳良器墓 在甘溪

萬歷舊志

御史木訥墓 在學士港口

舊志

河南叅政查志立墓 在馬坡嶺字敬峯嘉靖丙辰進士

浙江通志

太常卿嚴大紀墓 在陸家坳

錢塘縣志下同

四川按察副使陳洪範墓 在丁家山

南京光祿卿諸允修墓 在靈隱山

驃騎將軍陳九思墓 在小和山內森羅塢

沈棲霞墓 在法華山

萬歷舊志

錦衣指揮張光祖墓 在上扇里孤山之巔

錢塘縣志下同

贈刑部尚書洪有恒墓 在西溪子贈尚書薪耐

贈大叅黃慶墓 在南高峯玉岑山有隱德羣稱長者

通州知州諸夔環墓 在靈隱山

封兵科給事中洪椿墓 在三台山

廣東按察使馮覲墓 在石屋嶺

贈侍郎宋富宋儒墓 在大桐塢曾孫錦衣楚望知府虞望耐

處士陳起龍墓 在丁婆嶺

封廣東布政叅議沈瀚墓 在桃源嶺下曾孫貢士鳳翔耐

處士高鎧墓 在馬坡嶺鎧孝事繼母撫育羣弟有司旌其孝義壽九十有三

贈工部右侍郎沈士寧墓 在安吉一畝

封禮部員外郎錢科墓 在金沙灘

雲南右布政陳王廷墓 在靈鷲山神尼舍利塔下

處士章鉞墓 在施家山

封副都御史陳肇墓 在丁家山

禮部員外郎錢華墓 在葛嶺孫士璋附

廣德州知州趙景和墓 在松義山

徵士孫讓墓 在茅家埠

叅軍顧邦臣墓 在錫杖山子諶命附

贈江南布政使龔景鵬墓 在白岩山子贈江南布政使

應嶽附

歸德通判徐一源墓 在瑪瑙寺西

叅軍闕廷詔墓 在秦亭山

處士姚自虞墓 在月桂峯

姚氏家譜

處士張伯元墓 在老龍井

錢塘縣志下同

邳州同知錢夔龍墓 在風篁嶺

台州知州汪茂棠墓 在荆山

處士毛應鎬墓 在青芝塢

處士陸淵墓 在飛來峯

刑部尚書諡襄惠洪鐘墓 在定北東穆塢蓮花山嘉靖

四年諭葬

萬歷舊志

王守仁撰墓誌曾孫都御史瞻祖耐

錢塘縣志

贈少保兵部尚書諡端敏胡世寧墓 在五雲山嘉靖十

年諭葬

萬歷舊志

許相卿神道碑銘畧吳越之交江山萃靈昭代發祥豪賢
挺生肅愍允武端敏孔毅百年兩豪帝室梁柱惟端敏公
忠出其性履險蹈夷不易其勁義形于色灑血匪辭僧主
之盜構我禍罹賜環自天掌憲湖藩既仆載與其立桓桓
都臺撫蜀少宰端揆暨暨諤諤竄突弗媚中媚外咻迴翔
于南不遠而復寵數攸兼內臺嚴嚴司馬偁偁薦承休命
屹秉素節懷貞抱潔夙夜在公不比不同以役帝功盤錯
交值公才益展伎疾孔多公忠彌顯惟公至忠惟天子至
明靈承湛恩以鴻厥慶止足炳幾前老投綬完名令終
鮮于雙壁穹碑義義我顯詩之江山與永烈烈弗渝

大理寺卿陳珂墓

在龍井嘉靖十一年諭葬

萬歷舊志

按通志作陳琦誤

副都御史錢宏墓 在玉泉寺右

錢塘縣志

知通州吳瓚墓 在大慈山

武林舊事附錄

工部侍郎嚴時泰墓

時泰正德辛未進士歷官四川巡

撫有征蠻功進侍郎葬于上天竺東偏

西湖志

廣西布政使叅議吳鼎墓 鼎字維新錢塘城北隅人正

德中進士尹臨淮時毅皇南征有中貴非分徵索吳擊傷之中貴遂奏逮詔獄廷議得白歷遷官至布政叅議墓在

積慶山南麓

許黃門集

昌化伯邵林墓 在九曜山陽

西湖遊覽志

林暨夫人楊氏孝

惠太皇太后考妣也先是權厝于錢塘青芝塢嘉靖乙亥

詔守臣擇地于南山之麓而改葬焉

墓碑

中書洪澄墓 在西溪阮家山

西溪苑隱志

後府都督同知張奎墓 在飛來峯石人塢嘉靖十四年

諭葬

舊志

工部侍郎贈尙書江曉墓

在仙芝嶺

萬歷舊志

右府都督同知牛桓墓

在靈鷲山之原嘉靖二十六年

諭葬

萬歷錢塘縣志

都督萬表墓

在月桂峯歐家山子指揮使達甫墓在西

溪

舊志下同

邵武同知諸燮墓

在白鶴峯下

順天府尹查秉燹墓

在五雲山南桐樹塢嘉靖四十年

諭葬

萬歷舊志

翰林學士李春芳撰銘武英殿大學士徐階撰

神道碑

舊志

湖廣按察使僉事楊祐墓 在青芝塢子承憲耐

錢塘縣志

吏部侍郎茅瓚墓 在磐龍山花家園嘉靖四十五年諭

葬

萬歷舊志

大學士謚文端高儀墓 在南屏山中峯之原萬歷二年

諭葬遣官營墓

萬歷舊志

高文端嘗遇一老僧詢以科第名位

年壽皆得其概并欲問卜葬處而未言僧遽令携榼過藕

花居向一桑柘隙地坐且偃卧少時而起公亦未解何意

後公卒賜葬卜穴正其卧處也

湧幢小品

徐林鴻講高文端墓詩雷峯隱隱藕花莊湖水清滄半夕陽墓下疎花吹燕雀城邊哀角散牛羊兩朝雨露避仙馭三殿風雲引御牀辛苦受遺高相國手持丹詔出明光

清江知縣沈儀墓 在桃源嶺下子贈行人司副恩卿祔

舊志

兵部侍郎江鐸墓 在仙芝嶺萬歷二十三年諭葬

舊浙江通志

志

刑部員外郎邵經邦墓 在玉泉山左

大清一統志

康熙丙

寅四世孫遠平建宗祠于墓左

舊志

處士吳博墓 在玉岑山高麗寺西南子棠孫範今範型

祔宮允太沖之高祖原籍海鹽遷武林由處士始

錢塘縣志

吏部尚書張瀚墓 在三台山明萬歷間諭葬

舊志

僉都御史張濂墓 在靈鷲山

舊浙江通志

父贈吏部稽勲員

外郎應楨及弟光祿寺署丞江俱葬此

錢塘縣志

雲南布政使陳善墓

在積慶山

舊志

布政司叅議孫枝墓

在南屏山

錢塘縣志

廣東按察副使許嶽墓

在風篁嶺茅坤爲墓表

西湖志

副都御史陳洪濛墓

在荆山明萬歷間諭葬

錢塘縣志

兵部侍郎經畧宋應昌墓

在北高峯下

舊浙江通志

祭酒馮夔正墓

在西溪梅塢

舊志

董斯張弔馮開之殯宮詩玉樹承無恙昔來月甫更鶴傳君子化鵬告主人行夜察誰移棹寒崖獨斲樞西州門下

路一過一吞聲

僉都御史許子良墓

在三台山明萬歷三十二年諭葬

子叅政聯樞耐

舊浙江通志

知府翁汝遇叅謀翁汝進墓 俱在六和塔右

錢塘縣志

江西右布政應朝玉墓 在慈雲嶺下方家峪

應馮謙文集

光祿寺少卿吳果墓 果字行甫御史誠之曾孫高文端

公女夫也以中舍給事殿庭與修大明會典纂修實錄成

陞大理評事歷進光祿少卿年老乞歸卒與宜人高氏合

葬龍華山

吳氏家乘

福寧知州高汝梅墓 在丁家山子舉人時亮耐葬

錢塘縣志

吏部員外郎錢養廉墓 在三台山

舊浙江通志

處士邵穆生墓 在靈鷲山

西湖志

山人李元昭墓 在靈隱寺傍年五十六卽爲墓裹足不出山八十五預示逝期無疾卒乃葬焉

西湖遊覽志

兵部侍郎贈尚書陳禹謨墓 在茅家埠明天啟間諭葬

舊浙江通志

吏部員外郎虞淳熙墓 舊通志載淳熙墓在雷峯塔據

墓誌墓實在西溪七十二賢峯下其所居則在雷峯也

西湖志

太常卿葛寅亮墓 在三台山

舊志

按察副使柴祥墓 在孤山

錢塘縣志

四川按察僉事沈瑞臨墓 在龍井劉安山

舊志

知代州贈吏部尚書黃思道子叅政贈吏部尚書克讓墓

俱在靈隱寺左北高峯下

舊浙江通志

順天府尹沈光祚墓 在縣西二畝明天啟間諭葬

舊志

江西提學道查允元墓 在大慈山

浙江通志

禮部主事傅巖墓 在慈雲嶺下施家山子齡發齡熙祔

錢塘縣志

長史俞起蛟墓 在雁臺鄉

舊浙江通志

知縣陸運昌墓 在青龍山

舊志

湖廣副使許文岐墓 在中台山

舊浙江通志下同

行人陸培墓 在靈鷲山

大理少卿陳潛夫墓 在西溪荆山

錢塘縣志

御史姚奇允墓 在穎秀山

舊志

兵部尚書張煌言墓 煌言既就執受刑制府趙清獻公

殮而葬之雷峯之右至今有包麥飯而祭者

靜志居詩話

孝友郭金科墓 科年十五入火救母焚死御史聞之葬

于孤山表曰郭孝童墓

明史孝友傳

孝廉汪溥墓 在青芝塢

舊志

處士盧惠墓 在甘靈寺下

錢塘縣志下同

長史裘自謙墓 在碧峯山

處士汪應昌墓 在慧日峯

五節婦墓 在西山玉泉傍葬陳氏許氏童氏孫氏查氏
一門四世苦節人稱毛氏五節

國朝

贈按察僉事高咸臨墓 在玉泉山順治四年

賜祭葬

浙江通志

贈知縣闕大生墓 在龍井風篁嶺之原

錢塘縣志下同

處士吳太淳墓 在兔兒山法相寺前

驃騎將軍顧顯榮墓 在茅家埠

贈江南布政使龔勤庶墓 在虎跑

中書舍人吳潮墓 在鳳凰山北觀音洞之右

處士蔡銓墓 在桃源嶺之麓

處士蔣維賢墓 在丁家山花塢

處士章嘉謨墓 在流芳嶺

知縣沈希畢墓 在上扇二圖

處士蔣名登墓 在王姨嶺

處士俞士霖墓 在白鶴峯

處士張競墓 在天竺石人嶺

推官洪吉臣墓 在橫山桐塢

處士王必顯墓 在白鶴峯

知州孫敞墓 在演福寺

文華殿大學士諡文僖黃機墓 在靈鷲山康熙年間

賜祭葬

浙江通志

戶部侍郎嚴沆墓 在西山康熙年間

賜祭葬

舊志

處士應搗謙墓 在孝女北鄉角頭灣石嶺

浙江通志

處士柴紹炳墓 在南山花家圩學使周清源表其墓曰

理學名儒省軒柴先生墓

錢塘縣志

工部尚書諡文和陳敦永墓 在八卦田

舊浙江通志

兵部侍郎項景襄墓 在北高峯下

錢塘縣志下同

德興知縣王起彪墓 在龍井風篁嶺學使王掞題曰異

烈孤忠

吏部尚書諡文敬徐潮墓 在小和山康熙年間

賜祭葬

浙江通志

漕運總督諡清獻徐旭齡墓 在荆山

西湖志

懷遠將軍霍時御墓 在靈隱龍門山

舊志

御史顧豹文墓 在吳家山

錢塘縣志

贈翰林學士邵泰卿墓 在神霄雷院西瑞雲山下

舊志

處士陳廷會墓 在桃源嶺下

舊浙江通志

御史趙蒼壁墓 在青芝塢

錢塘縣志

庶吉士潘沐墓 在雲林寺左五寺橋

浙江通志

孝子金世臣墓 在中台山上扇二扇

錢塘縣志下同

處士陳祚明墓 在西溪鮮于山

光祿寺卿龔佳育墓 在青龍山

浙江通志

封副都御史陳肇墓 在丁家山

錢塘縣志下同

封布政叅議沈瀚墓 在桃源嶺下

河南杞縣知縣王典墓 在丁家山

浙江通志

翰林院庶吉士陳成永墓 在慈珠山

舊志

主事許田墓 在石屋嶺笄箕灣萬經撰墓誌

浙江通志

雲南永昌府同知蔣祝墓 在九里松

蔣氏家乘

知縣沈名蓀墓 在大慈山湯右曾撰墓誌

浙江通志下同

廣東提學僉事翁嵩年墓 在雲林寺東五寺橋

知縣錢朝彥墓 在南屏之麓

舊志下同

孝廉張蔚然墓 在孤山

孝廉沈堯章墓 在龍井

福建按察使沈循墓 在上扇二圖

處士丁國元墓 在雷院東于家山下

禮部郎中張懋忠墓 在白鶴峯上

處士沈學曾墓 在橫山箬帽峯

少詹事邵遠平墓 在雷院

錢塘縣志

明經章士斐墓 在青龍山

舊志下同

處士沈緯墓 在方家峪

贈榮祿大夫王一奇墓 在雞籠山妻一品夫人周氏鍾氏

俱合葬

王氏家譜

監察御史龔翔麟墓 在白巖山

浙江通志

贈通奉大夫姚之棟墓 在荆山

姚氏家譜

孝廉顧鴻文墓 在行春橋

錢塘縣志下同

處士何可期墓 在徐村

孝廉汪坤墓 在小方井子文學浦附

汪氏家乘

吏部侍郎湯右曾墓 在桃花港內

湯氏家乘

太傅大學士諡文穆徐本墓 在茶坊嶺

諭賜祭葬

徐文穆墓誌

贈大學士梁國儀墓

在棋盤山之原桃花港口

梁氏家譜下同

封大學士諸暨縣訓導梁文濂墓 在葛嶺之麓

大學士

加贈太保諡文莊梁詩正墓 在橫山土名象山乾隆二十

八年

賜全祭葬

梁文莊墓誌

贈榮祿大夫禮部左侍郎金明遇墓

在磚街嶺

金氏家譜下同

贈榮祿大夫禮部左侍郎金星瑞墓

在青芝塢

贈榮祿大夫禮部左侍郎金德麟墓

在普福嶺

知縣金虞墓 在九曜山

處士姚從德墓 在越王山妻沈氏墓在橫山將窆會大

風雨猝遇虎至子昌露處抱棺達旦不爲動人服其孝目

卒葬青芝塢

姚氏家譜

處士夏德昌墓 在龍井金鐘山

錢塘縣志

工部尚書趙殿最墓 在南高峯

趙氏家譜

處士孫榮芳墓 在白鶴峯

孫氏家譜

中書姚廷益墓 在神童嶺

錢塘縣志

處士許日瓏墓 在西溪安樂山

許氏家譜

廣東布政使柴望墓 在西溪大嶺側

柴氏家譜

貴州學政翰林院編修萬經墓 在西溪安樂山大學士

徐本撰誌子知縣承天附

萬氏家譜

翰林院侍讀鄭江墓

在桃源嶺青芝塢

道古堂集

內閣學士陸宗楷墓

在三台山

陸氏家譜

贈奉直大夫周垣墓

在三台山妻宜人王氏施氏合葬

周氏

家譜下同

翰林院修撰陝西學政周爵墓

在三台山妻宜人陳氏

合葬

內閣學士徐以烜墓

在烏石峯

徐氏家譜

贈太子太保兵部尚書直隸總督周昱墓

在仁五莊左侯

廟前

贈太子太保戶部尚書諡文莊王際華墓 在東穆塢蓮花

山之原

諭賜祭葬

王文莊墓誌

烈女孫秀姑墓 在東山街馮景爲傳

西湖志

程烈女墓 在茅家埠

沈廷標程烈女墓碣

杭州府志卷三十三終